



明言類選卷之五

七言古詩

臨高臺



廣德堂藏書
黃哲

黃哲

臨高臺

藏

臨高臺高臺百仞凌雲開丹霞曙色明九垓咸陽王
氣何佳哉交疏結綺紛崔嵬虹橋複道雲中來直過
南山表雙闕遙連北極正三階宛轉朱闌臨渭水蜚
簾觀閣通天起銅龍高拱日華鮮青雀翻飛月明裏
鳴璫搖珮溢層城錦幄夫容翡翠屏寶鼎香酥調玉
食金莖瑞露屑瓊英瓊英王食知難老鸞鏡青蛾為
誰好君王八駿上瑤池日暮長門怨芳草芳草年年

換物華。瑤池歌管醉流霞。皆傳阿母桃成實。又獻安
期棗似瓜。蟠桃碩棗真堪羨。方朔詼諧侍懽宴。題詩
爭擬栢梁新。求仙豈意桑田變。願得層臺更萬重。崑
崙西望接崆峒。能共赤松鞭彩鳳。仍隨軒后駕蒼龍。
下顧淒淒茂陵道。惟餘隴樹生秋風。

戰城南

君不聞陰山勅勒川。胡兒飲馬來翩翩。狼頭大纛三
萬落。鸞弧注架雄燕然。烏桓古道黃沙塞。青塚荒原
白骨田。漢將鷹揚遙度磧。戎兵獸駭復窺邊。邊烽夕
照甘泉殿。殺氣浮空白如練。右地連營夜合圍。左賢

鳴鏑朝馳戰。聞道嫖姚新築城。先令都護出奇兵。三
門八陣互纏繞。萬衆一心同死生。偏裨轉鬪血凝肘。
箭鋒流星餓鷄吼。卷甲遙舉大校旗。橫戈怒落單于
首。愁雲慘日共亡胡。敗馬號鳴霜草枯。金裘寶玦青
珊瑚。閼氏花顏泣路隅。含悲掩袂辭穹廬。彫盤跪進
紫駝酥。軍中椎牛日高會。蒲萄寒香濃不醉。振旅先
論衛霍功。封侯未數金張貴。封侯意氣本雄豪。誰識
沙場汗馬勞。惟有城南征戰地。髑髏京觀長蓬蒿。

雉朝飛

野田無人蒿草薄。群雉班班草中落。五月禾熟桐風

清南陂北陂聲啞啞東方漸高晨露晞金翎繡項爭
光輝桑畦如霧行不見雄鳴挾雌驚復飛渴飲幽澗
泉饑啄野田粟群雛來哺聲粥粥寧向郊原抱耿介
不羨雲霄競高逐魯恭慈仁桑陰自馴鰥竊傷犢
牧采薪下防虞羅上畏鷓鴣朶頤垂涎群動交虛聖
人祝網天網疎八紘山澤無畋漁蓬機艾弋無爾圖
朝出陌上飛莫還蒿下居翼衆雛兮行且呼飲而啄
兮寧爾軀雛兮雛兮樂何如慎勿變化陳倉爲恠誣

白苧詞

長洲宮中花月輝彩雲夜傍瓊樓飛吳姬嫂婷白苧

衣揚蘭拂蕙春風歸花籌傳觴注紅玉月鏡當筵掩
明燭低環按節宮調促嫣然一轉亂心曲夜長酒多
懽未足驚鳥啼向東苑樹星河闌干正當戶明眸皓
齒歌白苧蛾眉嬋娟花月妬含情奉君君莫顧雲中
璧月易盈虧葉底穠華多盛衰願爲寶階千歲石長
近君王雙履綦

烏棲曲

九月過姑蘇江頭霜草枯秋風吹葉盡愁殺夜棲烏
棲烏月明裏霜重驚還起無處托安巢啞啞渡江水
江波淺復深東去無還心白苧吳宮曲能成哀怨音

只言懽樂長相保，青春幾時秋。又老可憐西子斷腸
花不及，虞姬美人草舞罷，垂楊金縷衣。椒房絳燭明
星稀，越騎爭馳海山動。吳歌尚繞梁塵飛，梁塵飛飛
白苧哀烏啼。夜半閭門開，鳴夷浮江麋鹿來。月明猶
照姑蘇臺。

遊泰山

今年初出承明班，折腰從政青徐間。神州二月雨新
霽，我來萬里觀名山。名山泰岱連雲上，鄒嶧徂徠鬱
相望。晨霞彷彿見丹崖，旭日曛曛射青嶂。羽服逍遙
山際行，垂蘿磐石漸迴縈。喬木千章寒谷秀，陰泉百

道曉虹明。玄都太古瑤臺在，石室丹爐長不改。中林
逍遙躡天門，五色芙蓉耀光彩。東極群真鳴珮環，招
搖玉女開金關。蒼龍飛去溟海闊，黃鶴下唳清風還。
奎壁祥光生縹緲，日觀扶桑擘昏曉。登臨今日九州
同，顧視寧論萬山小。名嶽齊天天下知，齋宮虔潔悶
靈祇。寶鼎椒蘭騰馥郁，芝楹華蓋仰葳蕤。祠官祝釐
朝擊鼓，玉童吹笙雙鳳舞。魯禘秦祀變浮雲，后土精
靈夜相語。功成世世來登封，明堂駭奔朝岱宗。翠華
行處入歸鳥，樛木盡亞隨飛龍。微茫玉檢無人識，綠
壇陰洞秋聲急。但聞松喬遺素書，我欲因之蛻凡骨。

絕頂玄芝應再生，神游早顧拋塵纓。笑騎蒼兕駮太乙，稽首銀臺超上清。

河渾渾

洪武辛亥夏河決作

河渾渾，發崑崙，渡沙磧，經中原，噴薄砥柱，排龍門，環嵩絕華，能虎奔。君不聞漢家博望，初尋涼，揚旌遠涉西塞垣，窮探幽討，事奇絕。云是天津銀潢之所接，葱嶺三時積雪消，流沙萬派從東決。東州沃壤，徐豫之墟，懷山襄陵，赤子爲魚。夕沒鉅野，朝涵孟諸，茫茫下邑，皆涂汙。民不粒食，鄉無廬，桑畦忽變，葭澤麥隴。

盡化龜鼉居，宮中聖人方盱食。群公夙夜憂曠職，星郎又乘博望槎。西去盟津求禹迹，始聞古道行千艘。一朝勢轉繞容舸，奔衝倏忽駭神恠。淺不浮漚泥沒篙，我上梁山望曹濮。長嘆滄桑變陵谷，萬人舉錡功莫施。猶擬宣防再興築，宣防漢武威。曷若堯無爲，洪波閱九載，端拱垂裳衣。玄圭錫夏后，安得辭胼胝。龍門一䟽鑿，亘古功巍巍。巍巍功可成，河水渾復清。

費將軍凱還歌

費侯佐國文，且武禮樂從容在軍旅。漢家卿相誰得如，雲臺功臣祭征虜。王師轉戰下山東，大將平燕無

限功復有奇兵專節制將軍同日度居庸居庸城邊
草初白戎兵夜遁龍沙北長風吹沙鐵山黑賢王瑀
弓控不得組練如霜未倒戈狼烽斥堠通灤河將軍
洗兵河上波馬前雙吹金唳囉英雄如公信無敵據
鞍歸來親草檄歸來更唱平戎歌燕然山頭堪勒石
忽憶去年駐阿城僕忝微官曾送迎馬頭北去掃燕
土今日傳聞朝玉京旌麾再入阿亭路橫朔賦詩肯
相顧官橋一道野棠開人道當時列營處東風二月
江南春露布先傳到紫宸丹書鐵券分茅社願爾功
成過古人

扶溪春望為鄺茂才賦

溪頭望春春色深美人不見勞予心綠波渺渺向南
浦菴畫樓臺芳樹陰天涯滿目丹青障春日春花兩
搖漾翡翠蘭若不可思鴛鴦桂樹長相望相望相思
雲路遙金塘流水亂春潮採菱風急桂舟晚疑是當
年楊子橋橋邊楊柳青青好惆悵春心被花惱浦口
迴船欲訪君相思一夜蘼蕪老

寓治穀城寄京華親友

金陵別時春已半含桃吹花鶯語亂群公送客勞勞
亭主事驅馳不敢緩折腰從政真可憐貂裘欲弊寒

無疆青徐古道暗荆棘二月黃河水塞川戰場蔓草
縈白骨城郭蕭條狐兔窟柳塞胡笳夕厭聞花門突
騎時還出獵火荒涼夜合圍聊城關外羽書飛將軍
轉戰畧邢魏歷下游兵分道歸瘡痍未復更顛蹶忍
看呻吟日流血朝耕暮戰同死生撫字無才政多拙
有時登高望遠山浮雲萬里何當還令人却憶魯連
子一箭名成東海間

王彥舉聽雨軒

朝川給事才且奇自我相親童冠時高談甚愛風雨
夕世上閑愁都不知幾回共酌東軒裏正值蕭蕭滿

人耳當窓滌筆寫黃庭涼聲散落鵝池水竹外淋漓
芳砌寒簷端飛灑落花殘先生擲筆向予笑如此宮
商真可憐况復交游盡文雅傾倒對之情不舍銀舫
夜酌涼蒲萄琵琶嘈嘈急如瀉先生醉坐銀燭低行
雲入簾花氣迷啾啾屋角聞朝鷄出門只見花成泥
當時雄筆誰更好孫公狂歌君絕倒橫眠三日醉復
醒夢見池塘生春草一別淒涼十二年關河風雨隔
幽軒懷鄉淚逐燈花落隱几情忘春溜喧君入蓬萊
獻三賦我踐泥塗走中路歸來相見頭搔白坐上逢
人半新故西窓舊話誰與傳思君昨日空迴船綠簑

青箬重來訪莫厭連床終夜眠

醉歌行爲鄜復初雄飛昆仲賦

昨日風雨中我來自西山不知春早暮花落長林間
林間幽人心事閑相逢一笑開雲關問我別來春幾
度五見飛花滿行路黃橙丹荔繞池栽清水離離照
芳樹登高酌我黃金壘傾情寫意無嫌猜携觴復就
花下飲鳥啄餘花鋪綠苔我惜落花君莫掃乘興即
來坐芳草江山如此多閱人與君相期恨不早君家
伯仲多材雄白眉更是人中龍東山還着謝公屐百
世行藏安得同爾曹曾辭鶴書召予亦蹉跎走荒嶠

華髮盈簪已自慚烏巾折角從人笑悠悠行路心惟
君可知音南冠發楚奏拂拭瑤華琴商聲淒淒夜沉
沉酒酣風悲月出林終然苦調不可聽爲君更賦還
山吟他年訪我桃花洞洞口花殘春正深

題招鶴軒

憶昔南游窺洞庭醉騎孤鶴橫蒼冥千年雲夢掌中
小一點君山湖上青翱翔更入瀟湘浦湘靈彈瑟鶴
爲舞清風雙翅若乘軒令我歸心厭塵土翻然獨下
崑崙臺鶴飛却望遼天回武昌樓前招不得惟見白
雲天際來朱君華軒號招鶴金莖可飲芝可啄臨臯

羽客再相期，為爾長返廖廓。

送縣尹

張羽

我家茅屋臨官道，前種桑麻後梨棗。年年力作不違時，人有餘糧牛有草。官長下車今幾年，老夫不到縣門前。鄉無吏胥門戶靜，家家盡稱官長賢。大兒入城買田具，始知官長移官去。來時憶向官道迎，今日去時還送行。攀轅欲留留不止，我民徬徨彼民喜。殷勤再拜官道前，請酌三江一杯水。

西塞晚漁圖

西塞山前日欲暮，江樹離離起烟霧。玄真仙馭不可

扳時聽漁歌，隔溪渡灣頭。酒賤鰕魚肥，紅塵不上綠。簑衣投竿倚棹看，新月猶見雙雙白鷺飛。

別離曲

徐賁

山風吹霜榆葉老，城鴉傳聲天欲曉。征徒出門駕出裝，斗杓倒懸月無光。我停露車客停馬，荒烟蕭蕭暗平野。一杯濁酒且須傾，九月垂楊不堪把。歌聲感激絃聲繁，坐上醉人爭笑喧。相逢相別皆草草，心事如絲向誰道。

神絃曲

靈風颭旗日光黑，燈影半明斜照壁。湘筠颯颯泣慘

凄翠裙香帶蘭葉齊跳梁絳鼠舞碧鷄神鴉飛出寒
烟啼紙錢嘯火高懸樹千輪萬馬登天去

燕歌行

李德

秀頸紅唇臉花碧秋波湛湛傾人色高樓霧煖四時
春胡蝶飛來歸不得裙迴縠轉香風催流商按徵雲
徘徊鳴鍾考鼓王丘頽詎識樂極生悲哀

青樓曲

青樓春酣鸚鵡杯孔雀屏風錦繡開銀鸞王鳳嬌未
歇楊柳斜飛舞迴雪越娘含醉弄絲桐十織宛恨哀
絲中裁成白雪惱芳容長卿茂陵髮如蓬

天上謠

玉樓瓊宇曉玲瓏雲輶電轂輾迴風自從羿射九日
落帝遣羲和驅六龍六龍奔屬成今古海水生塵變
桑土瀛洲花發幾番春誤殺秦皇并漢武桂宮珠露
滴秋香仙仗徘徊朝紫皇鳳吹紛紛九成奏羽衣金
節韻琳瑯金河流水連雲注織女牛郎在何處淋漓
元氣浩茫茫白鶴千群駕烟霧女媧鍊石良可嗤此
事荒唐奚足疑真憐世上人心改至理渾淪那得移

房中曲

金井烏啼風撼撼桂樹團團江月白洞房秋思滿嬌

娥淚滴珊瑚眠不得。玉臺塵鑑少光輝。彷彿孤鸞彩翼垂。蓮枯蕙折無人惜。露濕綺疏生網絲。

寄孫典籍仲衍

南園草色參差綠。忽憶佳人美如玉。玉堂揮翰事成陳。草屋懸燈照幽獨。江湖狂客未言歸。翹首東南淚濕衣。何時淨拂青溪石。與爾橫竿釣落暉。

送王彥舉南雄省親

神工剪水寒凝指。南浦頽雲吹不起。王郎氣酣走馬去。三尺龍泉拂流水。玉壺愁破酒如兵。鵝管嗚嗚咽不鳴。幽紅啼露香凝幙。蜀錦縫衣寄君着。象床醉卧

紫髯。鳳簡封題草字書。北樹南雲一千里。願携徑尺托雙魚。

秋情

爍炬搖紅紗隙凍。沉香帳底鴛鴦夢。芙蓉波冷薄霜凝。一夜離鸞憶單鳳。梧桐金井曙啼鴉。夢郎封侯歸妾家。開門自掃枇杷花。

送友人

關雲櫛櫛吹沙黃。瑤華拂劍春風香。鵝黃淺泛玻璃光。越妓舞衫金縷長。江津白白黃鸞月。神魚撇波龜甲裂。湘娥凝綠染春衣。踏踏青雲郎馬歸。

應制賜宋承旨馬

王佐

聖明天子齊唐虞。四方混一同車書。大宛西域摠臣
附。萬馬入貢皆名駒。天閑十二森成列。牝牡驪黃色
俱別。羅帕輕籠錦作韉。絲韁穩鞚金爲勒。玉堂學士
真老臣。日日趨朝侍紫宸。承恩特賜飛黃馬。騎出通
衢不動塵。飛黃之精直天駟。四足騰驤若星駛。况拜
親題御製詩。奎壁垂芒照人世。須知君恩如海深。
臣騎黃馬當赤心。風雲會遇有如此。彤筆宜書煥古
今。

唐仙方技圖

開元天子承平日。錦繡山河壯京室。金殿璇題表集
賢。玉屏粉繪圖無逸。夔龍接武居阿衡。萬方旭日當
文明。恒山老僊何所有。亦復通籍承恩榮。縞衣白髮
酡顏老。自說時來致身早。綵篋初開玉仗分。白驪突
出銀鞍小。榻前製號賜通玄。始信人間別有天。樓船
未遣蓋珠賜。歲籥俄更天寶年。九齡歸卧曲江上。牛
郎又入中書相。花雨香飄蘭若鍾。柳雲春撲金鷄帳。
萬機日少樂事多。梨園法譜聲相和。闔鷄舞馬看不
足。不獨仙人呈白驪。仙人豈是呈仙技。畫者傳之有
深意。延秋門外羽書飛。却駕青驪向西避。青驪劍閣

雨淋鈴一段閒愁尚不勝不道畫圖今若此碧雲芳
樹滿昭陵

秋夜

顧祿

一寒一暑相推移四時平分秋寂悲山川蕭條草木
萎金風淅瀝吹羅帷夜何長兮晝何促欲眠不眠歎
幽獨樓上寒更聲斷續飛蛾翩翩繞殘燭

雲巢歌為陳煥文賦

我本雲間人夙契雲山緣聞公巢雲處愛作雲巢篇
公家雲巢在何許會覘秀出雲海邊山頭日月白雲
起雲峯萬朵浮青蓮山人結屋入雲去置身直上雲

松巔雲蘿千尺覆戶外檻下百道來雲泉雲翁住其
下日與雲周旋或携雲鶴遊或伴雲龍眠冷雲子兮
漱雲液被雲衣兮駕雲輶有時看雲發高詠落筆往
往凌雲烟浮雲世事豈能絆蕭散自是雲中仙我欲
乘雲走相覓雲路峻絕難負緣爾來山人棄雲出我
今亦是青雲客雲騎橋南古汴津一笑相逢雲水白
問公別雲今幾年側身東望雲茫然又掛雲帆拂滄
海歸去自種雲中田

江岫圖為呂仲善題

蘇伯衡

尚書懷抱絕瀟灑揮毫往往凌董馬平生一筆頗自

珍數尺新圖爲君寫齊山遙接吳山青綠波萬頃孤
帆征東風綠遍汀洲草總是旗亭離別情一在江南
一江北此情浩蕩嗟何極正如江上之綠波縱有并
刀那剪得當時已足令人愁而今况復隔羅浮掩圖
却上高臺望但見遠海連天流暮歸朝去與誰侶瘴
雨蠻烟結淒楚班枝花落鸚鵡飛苦竹叢深鷓鴣語

行路難

貝瓊

采玉于闐河問君勃律何處過采珠鮫人室問君百
粵何由出珠玉歲久同爲塵君胡重利不重身海有
波缺我楫山有石摧我輪行路難出門即羊腸何况

萬里道管叔危周公匡人仇魯叟尊有酒盤有壺鼓
坎坎歌烏烏海不可涉山不可徒路旁之人愛爾玉
與珠我以為父安知非虎我以為兄安知非狼仰天
悲歌泣下沾裳

長相思

郭奎

長相思小山下蘼蕪秋深沒行路王孫年年歸不去
江南木落天色寒鴻雁滄波連日暮我思昔兮金佩
環美人座上花如頰紫芝叢桂紛兩間下有流水清
潺湲吹笙鼓瑟心長閒別來歲久鬢髮班青雲猿鶴
不可以企及竟飛夢往愁鄉關長相思何時還

烏夜啼

石頭城上烏。遙夜鳴相呼。紫清道士有兩樹。烏啼不
離樹。高處千聲啞。啞復萬聲。中堂酒闌。夢未成。呼童
把燭起。開戶照樹。惟恐鄰人驚。庭前再拜爲爾說。我
家舊住長淮北。慈親已老。返哺違。零落猶爲異鄉客。
嚴霜滿天。江月輝。東方未白。群星稀。明朝日出當早
飛。莫使涕淚沾裳衣。

七夕曲

天河盈盈一水隔。河東美人河西客。耕雲織霧兩相
望。一歲綢繆在今夕。雙龍引車鵲作橋。風迴桂渚秋

葉飄。拋梭投杼整環佩。金童玉女行相要。兩情好合
美如舊。復恐天鷄催曉漏。倚屏猶有斷腸言。東方未
明停少候。欲渡不渡河之湄。君亦但恨生別離。明年
七夕還當期。不見人間死別離。朱顏一去難再歸。

夜坐吟

江風蕭蕭吹古樹。關月蒼茫海生霧。北斗漸落明河
微。城頭烏啼天欲曙。客子不寐憂無衣。東征三年猶
未歸。蟋蟀在戶歲將暮。洞庭霜白芙蓉稀。男兒生當
百戰死。不執金吾即挾匕。閉門勿用長夜歌。騏驥終
能致千里。

寄衣曲

華燈闇室秋夜長吳刀剪綵為衣裳欲縫不縫心惻
惻還向姑前較寬窄燕山八月雪苦寒氈褐狐裘俱
擘裂明朝驛使催征車白袍絮就愁寫書舅姑已老
妾無子願君早曳王門裾臨行封裹復致意着時莫
遣沙塵穢

貽李道士

茅山李道士賣藥集湖上頭帶烏紗巾手植青藜杖
雙鬟童子相隨行向月壺中吹玉笙紫芝採罷忽不
見又騎玄鶴登蓬瀛

新豐市宣城北六十里

過新豐待沽酒雪華當空大如手斷橋荒店無人烟
獨有寒梅伴疎柳憶昔江東未搆兵我亦曾經此地
行東家槌牛出新釀西家開宴還吹笙春風步陣千
花錦當壚美人頻勸飲形勢雖非漢祖初彷彿咸陽
舊陵寢停驂慷慨懷馬周我欲濯髮臨清流斗酒不
可得高興良難酬着鞭遙指敬亭路孤雲日暮心悠
悠

見鄉人程大

任原

少年策馬辭鄉邑落鬼天涯幾秋色鳳池昨遇故鄉

人不道姓名應不識，布衣拂却長安塵。相看感嘆念
情親，青春作客無遠近。白髮從軍多苦辛，以茲失路
誰相顧。我向東流子南去，歸夢不離滄海雲。邊愁遠
絳青楓樹，楓樹家林隔海天。百年聚散一茫然，簪纓
故舊應誰在。萍梗江湖祇自憐，臨歧執袂須傾倒。明
朝又別關山道，心隨征鴈向斜陽。愁對離憂醉芳草。

裁衣行

劉伯序

裁衣須裁短短衣，短衣上馬輕如飛。縫袖須縫窄窄
袖，窄袖纔弓不礙肘。短衣窄袖時樣新，殷勤寄與從
軍人。願郎着衣便弓馬，破敵長驅古城下。明年佩印
披紫紉，裁衣不比從軍時。

東湖女

東湖女兒髻縮鴉，清晨結伴來西家。碧羅裁衣照秋
日，香酥暈臉明朝霞。儂家住在大堤曲，幾度採蓮湖
上宿。江南遊客最關情，相思一夜秋波綠。

鷄初鳴

馬初嘶，鷄初鳴。夜待旦，日兼程。昨日晚出長安城，今
日早望橋山行。東西相去四百里，明日山北猶晨征。
不緣薄宦苦相索，何得如此勞吾生。君不見路無窮，
人易老。離家不如在家好，我家萬里在江南。回首天

涯歸不早

春夜詞

宋璣

春閣凝溫翠雲繞。五色流蘇垂嫋嫋。美人自脫玉花
鈿。子帳香樓綠衣鳥。銅鳧漏聲夜初墮。紅暈搖晴燃
蠟火。欲寄相思無鯉魚。月色梨花愁朶朶。謾將軟帶
結同心。開簾微步鞦韆陰。芳眠未穩鴛鴦枕。早樹重
重啼翠禽。

採桑曲

桑芽露春微似粟。小姑把蠶試新浴。素翎頻掃細於
蟻。嫩葉纖纖初上指。朝採桑暮採桑。採桑不得盈頃

筐差將辛苦向姑語。妾命自知桑葉比。家中蠶早未
成眠。大姑已賣新絲錢。岸上何人紫花馬。却欲拋金
桑樹下。

紫騮馬

劉崧

郎騎紫騮馬來向門前。下馬尾稍赤雲銀鞍色相射。
願郎騎馬去復來。珊瑚作鞭絲結鞵縱令遠去玉關
外。千里應須一日迴。

寄贈曾文祥

十年不見故人面。秋風吹雲隔山縣。當時相遇歙江
亭。感子哀吟泪如霰。山川莽莽生風塵。道路東西長

苦辛、鬢毛蕭索易成老。肝膽輪囷空向人。金精洞前
偶登訪。一讀新詩一惆悵。短章孤韻破岑寂。長句雄
辭入悲壯。杜陵布衣日煩憂。閭閻小兒狐白裘。文章
有神足自託。富貴無分吾何求。平原信陵骨已朽。折
節好賢竟誰有。蒼苔茅屋雙短屐。落葉離亭一尊酒。
丈夫意氣未可摧。臨汝田園須早回。成名豈必在朝
市。自古雲林多異才。

白練帶詞

白練帶長且美。飛來青樹顛。宛轉脩竹裏。南園日暮
無人來。一雙下飲黃塘水。

秋夜詞

林烏夜啼金井西。蟋蟀在戶聲相齊。中天無雲白露
下。漸見梧桐青葉低。幽居此時愁獨曉。蘭燈雙照蛾
眉小。歌聲恐逐迴風高。掩抑冰弦破清悄。絃中語語
心自傷。低頭却看明月光。羅衣一夜惜顏色。庭草明
日霑秋霜。甘心霜下草。祇在堦庭好。不作白楊花。飛
飛洛陽道。

竭靖安昭靈廟賦柬袁茂才

昭靈古祠蔚森爽。祠下流波日奔蕩。啼鴉枯柳當兩
楹。落日青峯照銀榜。秭歸西阻蜀江口。雲蓋風輿自

來往常時醜酒擊鳴鼓。輒有靈風動虛幌。楚王宮殿
久寂寞。萬里晴雲色蒼莽。神龍自合晦淵潛。鳳鳥胡
爲在羅網。此邦祠宇出何代。恍惚湘楚同風壤。石竹
叢深山鬼愁。江蘿花落文魚上。清秋旅懷百憂集。感
子追遊慰遐賞。明時禮樂徧寰宇。肯使忠寬滯榛莽。
享儀每詔縣官給。祀典猶聞宗伯掌。捍菑禦患先故
國。憤義終能肅群仰。湘南屯戍苦未休。長嘯因之起
悲愴。

賦得獨樹邊淮送人之京

林鴻

君不見秦淮水流到東海。淮邊獨樹如車蓋。九月微

霜赤葉乾。枯枝颯颯鳴天籟。枝上啼鴉散曙烟。枝頭
殘照咽寒蟬。離人留飲停車騎。俠客相逢掛馬鞭。南
國高僧從此去。駐錫雨花臺下路。一飯淮邊洗鉢時。
六時宴坐祇園樹。野鶴孤雲任去還。禪心不到別離
山。山中亦有長松樹。待爾青松共歲寒。

經綺岫故宮

行人曉飯青山裏。驅馬蒼茫經洛水。昔聞綺岫盛繁
華。不謂荒涼今若此。憶昔行宮初構時。梯崖架壑相
逶迤。美人桂殿夜看月。公子柘弓朝射麋。翠華一去
千年鎖。露殿飛螢山葉墮。往事吹殘牧笛風。危基半

入樵人火。今古銷成能幾回。春風依舊野花開。君王
巡狩不復見。禾黍空山鳥雀哀。

月夜聞李生彈箏歌

越客本浩蕩。秦箏何激揚。浮亭子夜月色古。一曲萬
籟鳴清商。初聞楚調聲激烈。志士報讐思飲血。再聞
宮音如扣鍾。魯生揖讓顏雍容。清和變調有如此。俠
客聞之心欲死。銀甲彈來更嫵然。金魚脫却渾輕爾。
吾聞錦瑟五十絃。湘靈夜鼓聲淒然。遂令弟子剖其
半。遺音尚有秦人傳。秦音楚調聲雖異。今古猶來共
一致。燕市誰知擊筑心。吳門孰識吹簫意。今夜聞君

鼓曲聲。百杯不醉壯心橫。衆賓枕籍秋衾冷。獨倚高
梧看月明。

未央宮瓦頭歌

貝翱

赤龍西飛入咸陽。烏騅噴火焚阿房。阿房已灰騅亦
逝。渭水參差開未央。未央宮殿中天起。乃公見之怒
仍喜。壯麗方推相國能。萬戶千門從此始。南山相對
雙闕開。函關夜啓侯王來。奉觴上殿呼萬歲。拔劍斫
柱何雄哉。玉階一污新都履。舊宅重開洛陽水。東西
昭耀四百秋。漢基半與周基似。長楊昨夜西風早。錦
繡椒塗跡如掃。誰言長樂殊未央。回首青青千里草。

可憐遺瓦至今存、古今不剝莓苔痕、銅雀有歌哀白
日、鴛鴦無夢恨黃昏、梁國老人愛奇雅、錦囊得之百
金賈、菰齋風雨伍陳玄、猶作金人淚如瀉、朝來搨得
寄江城、舊物相看無限情、白髮張衡足愁思、何人相
與話西京。

懷仙吟題王樞經卷後

趙介

我昔採藥羅浮巔、仙人招我遊諸天、天門洞開三十
六、琳宮貝闕相連延、瑤臺百丈空中起、玉女燒香月
明裏、天王宴坐擁群真、環珮珊珊滿人耳、中有一人
號雷師、龐眉皓首拜玉墀、奏云侍從五千劫、未聞至

論窮玄機、天王含笑揮玉拂、舉首向空如畫一、群真
意領寂不宣、但見琪花散空碧、我時目覩心欣然、萬
物得一天何言、乃知至道本無物、豈有文字人間傳
人間所見皆幻影、欲吸晨霞駐清景、須臾月落仙馭
旋、葢闕瑤臺風露冷、回首闔闔不可攀、白雲與我留
山間、倚劔長歌一壺酒、龍吟萬壑松聲寒。

南樓對月

夜上南樓看月色、水晶簾捲銀河碧、冰輪倒射滄波
寒、對此清光是何夕、舉酒邀月真吾儔、夜長不用乘
燭游、萬里涼風滿襟袖、洞庭七澤涵清秋、秋聲冷拂

珊瑚樹、湘娥鼓瑟，鮫人語。試吹玉管，過行雲曲中，彷彿霓裳舞。霓裳舞罷，罷迴明璫。北斗已挂西山傍。但願清尊長對月，今人古人何足傷。

送王濟民歸盤谷

浦源

官亭酒香，柳花白。下馬持觴，送行客。客歸江上，愁更多。春水雨中，生綠波。青山遙對揚子渡，殘日微明，廣陵樹。渡江酒醒，傷別離。夜半舟人歌竹枝，烏啼月落。梅天遠，驛程已過。淮陰縣，楚鄉菰米飯，食魚膏。征在鞍宿，在車中原，漸近太行麓。不知何處通盤谷。一逕縈紆，萬壑深。始知舊宅隱雲林，昔年泉谷，渾無恙。猿

鶴猶存松桂長，遺老家家懷故情。相邀鷄黍話平生，罇前不問宦遊好，只說山中農事早。數畝何須負郭田，郡中太守正求賢。知音不肯入城市，日逐漁樵向山水。江南故人那可逢，有書應寄南飛鴻。

贈別沈校書

與君昔相逢，花開酒樓醉。春風平生車馬願，與其何意事變分西東。君卧東山裏，我釣西江曲。幾回楓樹夢中青，千里桂枝愁處綠。飛燕翔鴻徒往來，音書不寄使人哀。返照斜分遠行路，浮雲亂繞舊登臺。今朝復見蘭陵道，細雨微烟濕芳草。別離惆悵十年多，我

少朱顏君已老，握君手與君唸。感君知己復知音，我將歸去重回首。雲海蒼茫情更深。

秋夜聽谷大彈陽春白雪

黃玄

聞有歌白雪，未能覩絃聲。看君彈來秋月下，十指如度春風鳴。初聞飄飄下天闕，亂逐回風氣騷屑。東來深樹梅不開，散入空林竹應折。又如紛紛江上來，流音中節渾相催。灞陵一日幾人度，剡溪半夜孤舟迴。清江帶寒流，野鳥絕繁語。少女歌殘葉共飛，仙郎唱罷花能舞。須臾雪晴風亦遲，按絃問君君不知。聲殘響絕無所見，唯見桐枝秋露垂。

寄友人

王澤

我本東海人家住，東海頭自從牛角時。便向西州遊，邈來西游十九載。夜夜思歸夢東海，此身厭逐戎馬間。落鳧唯存壯心在，今年始欲向東還。便將歸老天台，山相隨。仙人養鷄犬，笑弄綠水桃花間。况聞溪上桃已熟，仙女嬋娟面如玉。春風綰結雙綠鬟，舞腰解按山薌曲。去年群仙遙見招，謂予自是王子喬。山中何嘗識酒禁，日日爛醉吹璫箭。昨日纔經四明道，故人相見驚絕倒。問關萬死得生還，顏色還同舊時好。忽聞天吳落海隅，到海要拾明月珠。大風三日撼天

黑海底吹折紅珊瑚。洪濤如山老蛟怒。白日江暈塞
烟霧。仙山咫尺不得歸。目送冥冥鳥飛去。擢舟惆悵
却西回。側望仙山心欲摧。空懷帝子芙蓉闕。遙望中
天兩玉臺。愁來昏昏枕書睡。呼酒狂歌不成醉。丈夫
出處真可憐。徃徃長遭不如意。作詩爲謝丹霞仙。金
堂石室無清緣。有心未罷歸來約。更待秋風海月圓。

赤壁

藍智

長江西來雨如霧。赤壁蒼蒼風雨暮。草木猶疑橫槩
詩。塵沙尚想焚舟處。烏林渡口下舳艫。曹瞞已料無
全吳。陣前部曲走劉備。眼中談笑輕周瑜。君臣謀合

士賈勇。玉帳旌旗亦飛動。樓櫓晴空烟焰高。魚龍白
日波濤湧。荆門半落駐殘兵。野曠不聞鼙鼓聲。戰骨
秋埋湖外草。捷書夜報石頭城。雄圖伯氣兩消歇。地
老天荒秋一葉。石上殘碑過客題。沙中古劍漁人得。
漢王祠枕碧山隅。諸葛臺荒野鳥呼。千年忠義出師
表。萬國江山八陣圖。

清虛子爲湘邸賦

胡直

清虛子。神仙客。妙年出入黃金闕。曾侍天壇禮玉皇。
鶴擎羽衣金蕩節。或隨列禦寇。乘風八極中。或從赤
松子。吐納凌清空。三花旣結頂。五炁仍蟠胸。松栢秀

眉桃李容清虛不與流俗同。吸沆瀣兮被明月。幾見
蟠桃千歲紅。我有些紫霞想。未脫塵外踪。有待功成拂
衣去。桃花源上期相逢。

三月望日與饒宏遊玉笥山 練子寧

我懷謝康樂。獨往名山間。身同雪舟繫。心與浮雲閑。
清風澹蕩灑六合。令我興在雲松間。玉山高與南斗
齊。雲錦照耀廬山低。三十六峯凌虹霓。飛湍噴雪臨
迴溪。長松掛月青猿啼。上有梅仙採藥之幽栖。下有
蕭雲讀書之故基。洞天石扇杳莫測。瑤草謾長三春
萋。我欲因之覽八荒。手拂青蘿眠石床。回飈吹散碧

天霧。清冥倒瀉澄湖光。作為玉山謠。寄之雙峯客。興
來携妓秋復春。笑殺東山謝安石。

題李白對月圖

方孝孺

明月出高樹。上懸青天中。下有萬頃之長江。揚波泛
彩清若空。江風吹人色淒涼。此時對月誰能寢。十千
斗酒何足論。舉杯直就花前飲。花前飲酒無與儔。酒
酣意氣輕王侯。仰招行雲不可得。但見月與河漢俱
西流。仙人伐桂樹。玉女倚瑤樓。顧盼暫相悅。棄去終
莫留。昨日已浩浩。今日復悠悠。人生如飛光。及時不
飲空白頭。君不見月中玉兔搗靈藥。不能醫此萬古

愁何人醉卧長不醒。天地與我同虛舟。混沌六合開。浩然何所求。

長安古意

周是脩

長安二月三月時。千門萬戶春風吹。綺構瑤臺相照耀。香車寶馬並驅馳。驅馳照耀皆豪貴。九棘三槐夾三市。鼎食鍾鳴將相家。朱簾繡柱王侯弟。王孫公子盛繁華。山珍海錯棄泥沙。銀鞍斜度官溝柳。丹轂橫移上苑花。花紅柳綠春明媚。嬌鳥亂啼花雨細。瑤宮錦殿傍雲開。鼉鼓龍簫震天起。美人內屋艷神仙。鉛華絃轉春爭妍。燁燁珠屏交綵幄。隱隱羅幃分玳筵。

蘭殺桂酒芬芳發。象筋瑤杯光彩徹。翠釜金罍不暫停。雕盤玉盃紛成列。迴瞻複道接龍臺。都城佳氣正氤氳。雙龍絳闕凌青漢。九鳳紅樓徹紫雲。紫雲霧碧烟空。文窓藻檻何玲瓏。流鶯獨繞昭陽殿。芳草深迷長樂宮。漢代中興富名將。百戰功成心益壯。閑來賭酒聚歡娛。意氣相排不相讓。半酣徑上寶釵樓。赤闌四面俯皇州。一群粉黛成歌舞。千種風流坐勸酬。樓前兩兩鴛鴦度。樓下雙雙鳳凰舉。鳴璫背解玉纖輕。弄色凝情羞不語。就中心事可誰同。平明扶上玉花驄。自言百世無衰老。自謂千載長英雄。可憐光景

留難住、秋風一夕生庭樹。歌亭寂寞荒草寒，舞榭蕭條殘葉暮。昨日紅顏美少年，今朝潦倒那能數。將軍舍外無人過，廷尉門前堪雀羅。吁嗟盛時不復作，金莖銅狄隨消磨。君不見廣成山中白雲宿，安期海上顏如玉。軒轅已駕鼎湖雲，漢武終歸茂陵麓。別來倏忽三千年，海水幾度桑田綠。

長相思

釋機先

長相思，相思長。有美人兮在扶桑，手攀珊瑚酌霞氣。口誦太乙朝東皇，鯨波摩天不可航。矯首欲渡川無梁，去時遺我瓊瑤章。蠻牋半幅雙鴛鴦，鴛鴦不飛墨

色改攬涕一讀三斷腸。前年寄書吳王臺，西湖楊柳青如苔。今年東風楊柳動，鴻鴈一去何當回。欲彈朱絃絃斷絕，欲放悲歌聲哽咽。孤鸞夜舞南山雲，花清簾前杜鵑血。思君不如天上月，夜夜飛從海東出。月明長傍美人身，美人亦近明月輪。褰衣把酒問明月，中宵見月如見君。長相思長如許，千種消愁愁不消。亂絲零落多頭緒，但將淚寄東流波。爲我流入扶桑去，帶回金鴨爐。雙燕飛來只與東鄰，新山林甘學。東曲題郵亭壁歌華孤或益會爲五宋氏女子。郵亭咫尺堪投宿，手握親姑憇茅屋。抱薪就地旋鋪

攤支願相向吞聲哭旁人問我是何方俛首哀哀訴
衷曲妾家祖居金華府海道曾爲正千戶舉艘運粟
大都回金牌勅賜雙飛虎兄弟晦跡隱山林甘學崇
文不崇武今朝王堂宋學士亦與妾家同一譜笄年
嫁向衢州城夫婿好學明詩經離騷子史徧搜攬志
欲出仕甦蒼生前春郡邑忽交辟辭親千里趨神京
丹墀對策中殿舉馳書歸報泥金名承恩拜除閬州
守飄然畫舫西南行到官未幾訪遺老要把奸頑盡
除掃日則升堂治公務夜則挑燈理文藁守廉不使
纖塵污執法致遭僚佐怒府推獲罪苦相攀察院來

提有誰訴臨行囊橐無緇銖惟有舊日將去書城中
父老泣相送道傍過者咸嗟吁一時徵賦動盈萬妾
夫自料無從辦經旬苦打不成招暗囑家人莫送飯
嗟乎餓死囹圄中旗軍原籍來抄封當時指望耀門
戶豈期一旦番成空親隣憐妾貧如洗歛鈔慇懃饋
行李伶仃三口到京師奉旨編軍戍金齒阿弟遠送
龍江邊臨岐抱頭哭向天姊南弟北兩相痛別後再
會知何年開船未遠子病倒求醫問卜皆難保武昌
城外野坡前白骨誰憐葬青草初然有子相依傍身
安且不憂家蕩如今子死姑年高縱到雲南有誰望

八月官船渡常德，促裝登途整行色。空林日暮鷓鴣啼，聲聲叫道行不得。上山險如登天梯，百戶發放來取齊。雨晴泥滑把姑手，一步一仆身沾泥。晚來走向營中宿，神思昏昏倦無力。五更睡重起身遲，飯鍋未熟旗頭逼。翻思昔日深閨內，遠行不出中門外。鞦韆日影上欄干，花落庭前鳥聲碎。寶髻斜簪金鳳翹，翠雲蟬鬢蛾眉嬌。繡床新刺雙胡蝶，坐久尚怯春風饒。豈知一旦天亡後，萬里遐荒要親走。半途日暮姑云飢，欲丐奉姑羞舉口。同來一婦天台人，情懷薄似秋空雲。喪夫未經二十日，畫眉重嫁鹽商君。血色紅裙繡羅襖，終日騎驢涉長道。穩坐不知行路難，揚鞭笑指青山小。取懽但感新人心，那憶舊夫恩愛深。吁嗟風俗日頹敗，廢却大義貪黃金。妾心汪汪澹如水，寧受飢寒不受耻。幾回欲葬江魚腹，姑存未敢先求死。前途姑身少康健，辛苦奉姑終不怨。姑亡妾亦隨姑亡，地下何慚見夫面。說罷傷心淚如雨，咽咽垂頭不成語。路旁過者為酸心，隔嶺孤猿叫何許。

空雲喪夫未經二十日畫眉重嫁鹽商君血色紅裙

飢欲丐奉姑羞舉口同來一婦天台人情懷薄似秋

豈知一旦天亡後萬里遐荒要親走半途日暮姑云

雲蟬鬢蛾眉嬌繡床新刺雙胡蝶坐久尚怯春風饒

日影上欄干花落庭前鳥聲碎寶髻斜簪金鳳翹翠

熟旗頭逼翻思昔日深閨內遠行不出中門外鞦韆

營中宿神思昏昏倦無力五更睡重起身遲飯鍋未

取齊雨晴泥滑把姑手一步一仆身沾泥晚來走向

啼聲聲叫道行不得上山險如登天梯百戶發放來

八月官船渡常德促裝登途整行色空林日暮鷓鴣

明音類選卷之五

明音類選卷之六

七言古詩

夢遊廬山

胡虛白

我有紫霞想，夢遊匡廬峯。
 仙人凌絕頂，手掉金芙蓉。
 亭亭九天上，疊嶂崩騰涌。
 波浪五色雲，中白鹿鳴三。
 更海底金鷄唱，懸崖瀑布從天來。
 足練倒界青天開，高人自是陸脩靜。
 邀我石磴行莓苔，九江秀色可攬結。
 欲誇長鯨捉明月，望斷蓬萊青鳥書。
 琪花落盡無人折，飛身上挹香爐烟。
 坐卧九疊屏風前，翻然拜予招五老。
 一笑彷彿三千年，松風冷冷吹夢覺。
 鶴背高

寒露華落早知此境隔塵凡只合棲神向丘壑何人
寫此江上山雲山與我心俱閑明當會碾颼輪去長
謝時人竟不還

怨歌行

解縉

絃奏鈞天素娥之寶瑟酒斟流霞碧海之瓊杯宿君
七寶流蘇之錦帳坐我九成白王之仙臺臺高帳暖
春寒薄金縷輕身掌中托結成比翼天上期不羨連
枝世間樂歲歲年年樂未涯鴉玄粉白澹相宜卷衣
羞比秦王女抱衾誰賦宵征詩參差雙鳳裁筠管不
謂年華有凋換楚園未泣章華魚漢宮忍聽長門鴈

長門蕭條秋影稀粉屏珠綴流螢飛苔生舞席塵蒙
鏡空傍閑階尋履綦宛宛青陽日將暮惆悵君恩棄
中路妾心如月君不知斜倚雲和雙淚垂

楊白花

楊士奇

楊白花逐風起含霜弄雪太輕盈蕩日搖春無定止
樓中美人雙翠顰坐見紛紛渡江水天長水闊花渺
茫一曲悲歌思千里

巫山高

巫山高高十二峯連崖疊巘如游龍當時陽臺下神
女翠斂紅銷空處所朝朝峽裏望氛氳可憐猶似作

行雲相思已下露裳淚况復猿聲不可聞

涿州行

四郊茫茫沙草白青山迢迢亘西北涿州百里近都門北來南去無晨昏道邊郵亭連古堠時平不置官軍守土墻茅屋盡耕屯半插青帘賣新酒牛車鱗鱗衝早寒爭先稟桔輸縣官少年家家便騎射雉兔如林不論價由來意氣傾山岡邂逅相逢肯相借伐石爲碑記古人淒涼遺刻百年存摩挲三歎憶盛德路人爲指樓桑村

四時詞

胡儼

春風吹簾斜簾開飛柳花美人高堂上見此惜年華
年華容易隨春草一雙蛾眉鏡中老
碧水沈迴塘新荷艷曉粧看花臨綺檻愛此雙鴛鴦
鴛鴦宛轉迴塘路相對朝朝還暮暮
秋露白如玉梧桐墜寒綠文犀鎮錦帷紅淚消銀燭
銀燭輕搖翡翠烟孤影熒熒夜不眠
葉落深閨靜露零宵鶴警玉井凍無聲夢回寒夜永
夜永銅龍漏幽咽小窓斜轉梅花月

遠將歸

去年與郎別楊花飛白雪今年候郎歸楊柳綠依依

聞郎買船下湘渚，日日門前望。行人過盡乳鴉啼，徘徊日暮空延佇。攬衣回洞房，對鏡下新粧。那知清漏短，但愛明月光。月光照席涼，於水帳裏燈花撒。紅蕊好事從來不浪傳，明日升堂報姑喜。

妾薄命

妾薄命，聽妾歌。夫婿輕別離，妾心當奈何。山有虎豹，水有蛟螭。川塗邈悠，烏云能來。朔風吹衣，雨雪霏霏。洞房僚慄，神淒色衰。吁嗟乎，妾顏雖改，妾心不移。

新月詞

胡廣

出門見新月，纖曲橫蛾眉。人言坐見好，行見成奔馳。

豈知行止自有定，何必向天疑。月影誰家女兒不，解愁遙見新月登西樓。一聲長笛關山月，行客聽之雙淚流。請君不用悲新月，月亦無心任圓缺。新月照人能幾何，坐見不如行見多。夜來一鈎小於綫，舉頭又是行時見。

題吳尚書山水圖

楊榮

青山嵯峨半空立，萬疊芙蓉紫烟濕。峯前昨夜春雨深，繞澗飛花水流急。隔嶼人烟凡幾家，一徑蒼苔石磴斜。溪迴路細長芳草，月落林幽歸暮鴉。山深洞口行人少，白雲飛墮青山表。恍見滄州樹色微，如聞古

寺鐘聲杳。茅簷日出鷄犬喧。十里烟光連遠村。依稀
乍入簷簷谷。彷彿自是桃花源。乃知畫者通玄理。點
染天機筆鋒裏。尚書愛此欣得之。素壁高堂見山水。
人間美景不易尋。此圖直比雙南金。玉堂展卷慕清
絕。爽氣蕭蕭風滿林。

秋日登萬歲山

金幼孜

萬歲之山高插天。遠摩蒼翠凌紫烟。瓊樓玉宇耀初
日。碧窓朱戶相新鮮。春風瑤草長新綠。珊瑚玉樹何
娟娟。鶯啼白晝出深谷。縞鶴歲久巢松巔。洞門陰陰
苔蘚碧。石澗九曲通流泉。日轉金輿經翠巘。風回僊

仗度花前。天香遙散廣寒外。紫翠近落瑤池邊。方壺
圓嶠果安在。閨風瑤圃徒虛傳。偶來登覽上絕頂。便
欲振袂凌飛仙。凌飛仙坐閱天地長不老。上下日月
同周旋。

前有尊酒行

王偁

前有尊酒我為君。壽有瑟在筵。有螯在手。青年既徂。
白髮被首。於今不樂。古人奚有。自昔有言。俟河之清。
人壽幾何。云胡不傾。起舞傴僂。側弁以俄。弗鼓缶而
歌。恐大耋之徒嗟。秋露如玉。下彼庭綠。良夜未央。胡
不秉燭。東陵死利。西山死名。莊周放達。禹稷躬畊。吾

誠何暇以論此。前有尊酒君須傾。

短歌行

東風吹花墮錦筵。綠楊半暎青樓烟。主人自爲鴝鵒舞。小妓更奏鴛鴦絃。當杯入手君不醉。落日已在西山顛。短歌一曲心茫然。請看明鏡高臺上。何須白髮悲芳年。

趙魏公畫馬

劉師邵

浚儀王孫善畫馬。神妙豈在江都下。朝退從容白玉堂。意匠經營自揮寫。我觀此圖誠偉哉。清光夾鏡雙瞳開。古來騏驎不易得。此疋乃是真龍媒。尾如流星

汗成血。萬里飛騰宜電掣。長風颯颯生四蹄。百丈層冰蹴應裂。雄姿眼底苦不多。時無伯樂柰爾何。駑駘伏櫪飽芻苴。坐使神物成蹉跎。君不見才高往往困泥滓。世上英雄亦如此。

登泰山

王恭

飛僊挾我遊天門。足躡萬壑雲雷奔。凌虛直上數千尺。適見混沌分乾坤。巨鼇左拆蓬萊股。鯨波東注扶桑根。地高俯瞰滄海日。天近仰叩清都闕。古帝何年闢下土。九點青烟散寰宇。翠於紅蓋此登封。盛德神功照今古。人間瞬息三萬年。七十二君何茫然。秦皇

漢武踵遺躅，鏤玉坎瘞山之巔。金宮翠陛苦不樂，遣使碧海求神僊。羲和龍轡不稍貸，豈料海水成桑田。試向封中一回首，六合塊莽空雲烟。千秋誰識當時事，五松大夫知此意。崖前長揖大夫松，數子胡廼干秦封。高標直下魯連節，避世不及商山翁。霜髯雪幹如屈鐵，濤聲瑟瑟吟悲風。松本無心，偶然爾人情好惡。多彌縫，欲傾箕穎一瓢水，為汝靜洗羞慚容。為君解嘲心，勿怒萬事轉首成虛空。帝子絳節朝丹竚，神靈婀娜群僊從。噓呵紫燄開芙蓉，光景上屬超鴻濛。玉女夜降騎青龍，鸞匏鳳笙聲噦噦。霓裳舞袖飄長，下山去，翠嶂突兀青霞中。

題邊文進僊樓圖

方行

虹璫音間作鳴絲，桐白雲清謠曲未終。冷風命駕歸崆峒，千峯萬峯浸明月。恍惚身在瑤池宮，明朝稽首下山去。翠嶂突兀青霞中。僊人綠髮懸雙瞳，能移崑崙開華嵩。為我一掃瀛洲趣，中有千年不死青芙蓉。飄飄烟霞入君手，深林蔽幕桃源口。蒼烟颯颯鸞鸞飛，丹崖恍恍龍驚走。赤城掩靄天姥迴，石梁倒掛雙瓊臺。桃花半壁鏡中見，古木盡化青猿哀。素娥迴飈下瑤殿，明星玉女長相見。邀予為作商山歌，坐看桑田幾經變。丹霞亂飛掛林

表手翳瓊枝拂瑤草天風吹入西瑤池王母秋眉颯
衰老瑤池花暖春未凋三十六宮散瓊瑤青霓錦帔
耀雲月上元月下來吹簫吹鳳簫繫霜絲君亦胡爲
弄參差他年倘惠金鵝蕊寄聲蓬島長相思

白楊河

鄒緝

白楊河下春水碧白楊河邊多估客東風二月柳條
新却念行人千里隔岸上居人繞數家茅茨深處見
桃花小婦河邊汲新水老翁門外看雛鴉桑苗未青
麥苗綠牛羊散落村墟牧行客年年任往來居人自
住楊河曲

石城曉

王惲

城角曉鳴鳴城西月痕墮城中春思慵楚夢熏蘭火
玲瓏金馬門玉佩聲瑣瑣紅日壓宮垣千花眠貼妥
景陽鍾動萬鴉飛赤羽綵旂搖婀娜

邯鄲曲

曾棨

邯鄲女兒貌如花手綰雙鬟盤作鴉窄襟小袖巧粧
束畫得秀眉雙黛綠娉娉嫋嫋十五餘自矜嬌態誰
得如春眠不穩翠衾薄起向東風惜花落誰家寶帶
繡鴛鴦何處金屏開孔雀邯鄲城中多貴游投金賓
壁紛相求父憐母惜嫁時早比日連枝願終好芙蓉

帳深紅錦幔，烹犢炮羊列華饌。生來不識機杼聲，身
上羅襦幾回換。翻憐鄰女嫁田家，朝出採桑夜績麻。
年年辛苦事織作，嫁時衣裳老還着。

天廐神兔歌

天廐名馬不易得，鳳臆龍鬣秋兔色。南官廝養十載
餘，云昔來自朝鮮國。想當此馬初生時，蛟龍降精雷
雨垂。房星夜墮水盡赤，雲霧下繞靈風吹。雄姿逸態
真神駿，踔促蹄高雙耳峻。目光夾鏡炯方瞳，汗血流
珠膩紅暈。朝鮮得此不敢騎，覆以黃毡獻赤墀。迺知
天廐盡龍種，如此萬疋皆權奇。今晨鞞出迥殊絕，扈

從鑿輿自超越，朝趨遠蹠交河水。夕秣驕嘶薊城月，
君不見。見驂騑蕭霜古亦多，老不一試將柰何。駑駘無
力枉蹠躐，俗馬有肉空嗟峨。平生憐爾獨遭遇，繡勒
金鞍照瓊署。相期慎保不凡姿，萬里長隨六龍馭。

銅爵瓦硯歌

征西將軍蓋世雄，睥睨漢鼎驕成功。建安天子在掌
握，車駕又從輟轅東。策勳定爵分茅土，赤鳥煌煌輝
袞黼。鑄成銅爵起高臺，繡戶珠房貯歌舞。繁絃急管
鳴未終，葛汁啖盡金樽空。分香賣履恩愛畢，西陵落
日生悲風。三方鼎峙霸圖息，玉輦金輿已陳跡。冷雨

寒烟滿鄴中，惟見銅駝卧荆棘。誰憐地老天亦荒，宮瓦散落猶深藏。千年劫火煉不化，至今出土生輝光。草根藤繞苔蘚蝕，鄴中野人初未識。臨江太守忻得之，此物不應同瓦礫。殷勤拂拭重磨礪，制作豈讓端州工。鳳池先生真尚古，寶此乃與瓊瑰同。先生自昔稱才俊，忽見珍竒豁方寸。龍香麝臍益光妍，玉爾蠻金輝發清潤。翻思淪沒塵土鄉，此日還登君子堂。竒姿曾識奸雄面，清玩宜親翰墨場。君不見漢家諸陵在荒野，玉魚金盃無遺者。早悟愚民盜一坏，不如燒作鴛鴦瓦。

燉煌曲

吐蕃健兒面如赭，走入河湟放胡馬。七關蕭索少人行，白骨戰場縱復橫。燉煌將士抱戈泣，四方胡笳聲轉急。烽烟斷絕鳥不飛，十一年來不解圍。傳檄長安終不到，借兵回紇何曾歸。愁雲慘澹連荒漠，捲地北風吹雪落。將軍錦韉暮還控，壯士鐵衣夜猶著。城中疋綾換斗麥，決戰寧甘死鋒鏑。一朝胡虜忽登城，城上蕭蕭羌笛聲。當時左衽從胡俗，至今藏得漢衣服。年年寒食憶中原，還著衣冠望鄉哭。老身幸存衣在篋，官軍幾時特獻捷。

龍支行

龍支城頭暮吹角黃雲蔽天沙草薄虎鬚使者長安
來持麾擁蓋邊塞開城門盡是胡兵守城外老人多
白首拜迎使者雙淚流問云天子今安否自言家世
豐州住少小辭家隸軍戍吐蕃昨日犯蕭關胡騎長
驅涇隴間將軍戰敗鼓聲絕棄戈遺鏃填丘山自從
陷沒身爲虜五十年來在邊土依棲部落作蕃人生
長兒童盡胡語朝看烽火望中原夜聽鳴笳思故園
頽垣破屋誰家宅斷磧荒谿何處村奉使還時報天
子早遣官軍復清水假令老身歸即死已免遊魂作

胡鬼

車駕北征送右諭德金公扈從

寒雲慘澹邊城黑虜騎憑陵在東北天兵帶甲八十
萬千里長驅如霹靂平胡下詔親出征二月龍輿發
北京東風關塞旌旗影落日沙塲鼙鼓聲知君文采
金闈彥扈從恩榮總堪羨龍泉寶帶黑貂裘虎韞雕
弓白羽箭帳前獻俘報捷歸帳中草檄筆若飛狼烟
乍起雪載路羌笛橫吹霜滿衣妖星夜墮氣蕭索席
捲穹廬空大漠橫行絕域拓封疆直過窮荒收部落
歸來意氣擅才雄凱歌先進明光宮豈知折衝在帷

幄世上空聞衛霍功

過吳門次薩天錫韻

李昌祺

七澤三江通甫里，楊柳芙蓉照湖水。閭門過去是盤門，半掩珠簾畫樓裏。縈蕪生徧鴛鴦沙，東風落盡棠梨花。館娃香逕走麋鹿，清夜鬼燈明絳紗。三高祠下東流續，真娘墓上風吹竹。西施去後獮廊傾，歲歲春深燒痕綠。

咸陽懷古

梁潛

咸陽古帝宅，雉堞何崔嵬。積石隱雪色，金闕雲中開。咸陽昔日稱百二，函谷鷄鳴客如霧。秦王按劍叱風

雷，天下諸侯盡西顧。三戶蕭條易水空，齊歌趙舞入

秦宮。龍旂五丈金樓下，鳳吹千門馳道中。璇霄閣道

通天極，僊掌芙蓉正相直。月過文窓寶扇移，星臨繡

戶粧奩密。繡戶文窓拂采霞，黃山翠影繞宮斜。王孫

挾彈雕臺樹，遊女回舟綠岸花。岸花感繡連阡陌，十

萬朱門色相射。玉檢登封祝岳靈，金鑪鑄冶銷鋒鏑。

風馳萬國奉威聲，四夷惕息敢橫行。金湯千里扶王

業，猶遣將軍北築城。可惜繁華不知極，三十六年如

一日。樓船童女望蓬萊，玉琢軒窓五雲色。童女成僊

去不歸，咸陽古堞空崔嵬。黃雲捲雪城頭路，城下行

人嘆落暉

湖上行

王洪

湖上昨夜江水生，湖頭嗷嗷鴻鴈鳴。
人家遠近湖上住，有水可魚田可耕。
去年種禾湖水北，一家大小多得食。
今年種麥曾賽神，一畝占收三兩石。
門臨官路人往來，無事莫教門早開。
牛羊鵝鴨散平野，日暮不收常自回。
大兒已長當門戶，小兒十歲能搖櫓。
婦人終日坐蓬窓，補却魚網縫衣裳。
衣食寧論厚與薄，人生無如生處樂。

登崇文閣

陳璉

巍巍乎高哉，崇文之閣兮。吾不知其幾百尺，突兀直倚蒼冥中。
雕簷高飛近曉日，瓊窓洞啓來清風。前瞻兮帝闕，下顧兮祥雍。
京畿鬱兮千里，五雲近兮九重。太行西來兮迤邐，居庸北拱兮籠縱。
峯巒遠近共環峙，削出朶朶金芙蓉。是中奇勝甲天下，何況此地名儒宗。
圖書浩翰紛莫數，文光夜吐猶晴虹。漢家天祿之不可復見兮，
幸喜斯閣之高崇。值校文之多暇，日徙倚而從容。愛扶輿磅礴之奇秀兮，
呼吸盡使歸心胸。闌干笑拍飛鳥上，豪氣不減陳元龍。俯視十二衢，車馬塵濛濛。
欲招李謫僊，更拉東坡翁。長使其傲嘯。

不使心中忡忡。蒲萄酒傾瑪瑙甕。日醉三百玻璃鍾。人間亦自有勝境。何必飛度扶桑東。願裁上雲樂。進入蓬萊宮。上將萬壽祝天子。文風聖化。未與天地長無窮。

精衛辭為陳烈婦作

宋末陳遣子往勤王。子既行。陳亦趨廣。至黃木灣。赴水死。子至厓山。得官還家。拜母不見。哀隕莫及。乃築望至堂。以寓終天之悲。聞者兩傷之。

東海有精衛。銜石填海死。海枯石復爛。此恨何時已。

天目山崩。王氣消。北風夜退。錢唐潮。厓山新稱行在所。萬里兵塵漲九霄。南海有烈婦。能守陵。母節淚血滿衣裾。泣與兒訣別。萬古綱常日月明。爾當盡忠吾盡節。黃木灣頭風雨來。扶胥海口浪如雷。此時孤憤同精衛。一墮滄溟竟不回。滄溟之深有時竭。烈婦之名應不滅。

隔谷歌

王直

嚴風凋角弓。鉦鼓鳴不止。弟兄但隔谷。咫尺異生死。丈夫報國甘苦辛。此時顧恩寧顧身。詎知兄弟左右手。臨難方為行路人。升高聊一望。力盡心未已。仰天

呼兄兄不來壯髮衝冠直如指生爲同氣親死作異
鄉塵自矜雄豪重仁義誰保艱難不相棄豈不見南
山桂樹同根生百年雨露同枯榮又不見桓山之鳥
同巢哺欲去回翔不能征人生有情乃若此天地慘
寂終難平嗚呼賓客滿堂歌伐木且請停杯歌隔谷
、題并駙馬所藏九馬圖

吾聞曹霸善畫馬半幅生綃百金價當時貌出九馬
圖畫手如山盡其下拳毛獅子皆神龍曾經戰伐成
大功昂藏七足亦在列意態雖殊筋骨同流傳已久
那得致忽見茲圖無乃是方瞳夾鏡氣吐虹千里行

看一朝至正逢天下烟塵清天開惠養增光榮醴泉
瑤草糝金粟繡韉珠勒攢紅纒厖眉老僧號支遁也
解徘徊惜神駿長風颯颯聞闐來遠望皇衢思奮迅
紫髯奚官莫敢騎朝朝立仗登赤墀鳴鑿郊藉有時
用不須弄影舞瑤池

、題羅道士蓬萊山圖

蓬萊山在何處乃在大海之中央其始浮漂或來往
亦與海水同低昂巨壑戴之萬古屹不動滄洲玄圃
遙相望金銀宮闕矗霄漢杳日懸耀生輝光弱流繞
其趾無力不可航杳然隔絕三萬里但見波濤洶湧

如雪霜。僊人安期生。群真紛頡頏。右手揮若木。左手
攀扶桑。雲窓霧閣列廣會。燕歌五色流霞漿。陽侯唱
歌龍。御和玉芝。瑶草春風香。徐市者何人。形穢心亦
狂。樓船風掣之。欲到不到空彷徨。我夢遊清都。授我
長生方。思徃其間采靈藥。從此一去超混茫。仰援天
樞挹北斗。斟酌元氣調陰陽。遂同塵世人。壽與山岳
偕久長。身旣無翼海無梁。徒令看畫增怆慷。

白鷹擊鵝圖

我昔從狩南海上。白鷹受冷神偏王。忽然舉翅高入
雲。擒得天鵝更豪壯。商飈烈烈衰草平。麇麇竄伏鴻

鵠驚。三軍鼓舞亦思奮。意氣可撼陰山傾。吾聞漢家
嫖姚有如此。深入沙場萬餘里。生縛名王馬上歸。千
古雄名照青史。只今安得此輩速。若神坐令絕漠無
烟塵。

和高季迪將進酒

王汝玉

君不見雲中月。清光乍圓還又缺。君不見枝上花。容
華不久落塵沙。一生一死人。皆有綠髮朱顏。豈能久
樽前。但使酒如澗。肘後何須印。懸斗咸陽黃犬。悔已
遲。至今千載令人嗤。試看古來功業士。何如陌上冶
遊兒。百年飄忽寄宇內。日日歡娛能幾歲。勸君莫惜

囊中金便趁生前常買醉臨卣壚頭綠蟻香柳花捲
雪春茫茫吳姬越女嬌相向痛飲酒盡三千觴興來
狂笑縱所適慎勿畏他權貴客東風吹落頭上巾此
日獨醒端可惜一朝綺羅生網塵粧樓空鎖青蛾人
酒星不照九泉下孤鳥自弄山花春解我金貂脫君
素裘白日旣沒秉燭遨遊君爲我舞我爲君歌歌舞
相合其如樂何

湘竹簫歌

君家洞簫天下竒碎紅亂點香淋漓濃如丹砂沁冰
肌澹似惺血封瓊枝持來世人莫能識疑是秦女之

所貽幾回吹向霜江曉皎月不明風悄悄一聲捲入
碧雲中驚散飛鴻落天表君不見重華去兮歸路遙
二妃泣向湘江臯江臯之竹竹間淚萬古千年長不
消我將挾君携此同上黃鶴樓醉弄一曲離鸞秋曲
終飛度洞庭去試聽蒼梧猿夜愁

病驥圖

周忱

吳興父子俱能畫筆端往往追曹霸當時託意知爲
誰惻愴令人傷此馬此馬虺頽未可輕昔陪八駿天
衢行綵雲禁籟春如海曾聽玉輅和鸞鳴一從謝病
離天仗骨聳毛焦氣凋喪耻與駑駘競粟芻自甘偃

卧沙丘上，孫陽去後，苦難逢。寂寞誰加剪拂，功羈金
絡月復何日，顧影懷恩。悲晚風古來，千金市駿骨，况
此精神那可忽。餽餼重歸十二閑，猶甚萬里奔騰出。

題郭煉師溪山樓觀圖

僊人本自居蓬壺，遠游汗漫辭臯都。丹丘前望赤城
小，岩峩峩見華峯曉。仙嶠蒼茫黛色浮，花村隱約烟
光杳。百尺潭邊樓觀高，風窓月戶俯巖嶽。洞中天白
九臯鶴，門外花紅千歲桃。致身福地何容與，煉就還
丹養龍虎。自甘木食煮青精，還着星冠朝紫府。大隱
金門十載餘，烟霞却憶山中居。璇宮白晝對玄景，臨

風便欲乘鸞車

七夕曲

周孟簡

秋空無雲夜月明，銀河不動波無聲。牽牛織女兩相
望，烏鵲仙橋一道橫。相逢共喜曾相識，天上雙雙罷
耕織。自憐歡會能幾時，終歲綢繆在今夕。西風桂渚
生，夜涼仙裙玉珮含秋香。只愁曉漏驚殘夢，莫遣金
雞催斷腸。柔腸欲縮同心結，樂極翻成怨離別。怨離
別，一何苦不見姮娥棲廣寒。年年空學霓裳舞。

題趙松雪小像

魏驥

天潢玉樹溥華滋，水晶宮小春遲遲。鷗波桂楫浮輕

漪挑笙豹枕羅香幃。蜀琴啼鳳。吳絲翠華。渺渺羶
塵飛。銅僊淚泣風淒淒。瑤階土蝕秋虫悲。蟬衫寶璫
雙蟠螭。玉堂歸老江南時。

古意

于謙

妾顏如花命如葉。嫁得良人傷遠別。別來獨自守空
閨。夜夜焚香拜明月。月缺重圓會有期。人生何得久
別離。願將身托蟾蜍影。照見良人不寐時。

採蓮曲

朝采蓮。暮采蓮。蓮花艷。冷蓮葉。鮮花好。容顏不常好。
葉似羅裙怨。秋早。秋風浩蕩吹碧波。綠怨紅愁將柰
何。年年采蓮逞顏色。采得蓮花竟何益。蓮花雖好却
無情。夫婿有情常作客。萬里關河歸未得。爭如池上
錦鴛鴦。雙去雙來到頭白。采蓮復采蓮。采蓮還可憐。
願比蓮花與蓮葉。不論生死根相連。

醉時歌

酒滿金杯泛綠波。主人半醉朱顏酡。請君且就坐。聽
我醉時歌。人生天地間。一葦浮江河。富貴與功名。倏
然浮雲過。牀頭有酒且須斟。囊裏無錢不用尋。錢多
自古壞名節。酒量何妨江海深。劉伶好酒稱世賢。李
白騎鯨飛上天。石崇元載極奢侈。至今千載遺腥膻。

勸君滿飲不須辭。萬事由天莫怨咨。蛟龍變化非無日。鴻鵠翱翔自有時。醉時歌。歌有節。酒闌客散我還醒。却上高樓對明月。

題畫

江村昨夜西風起。木葉蕭蕭墮江水。水邊蘋蓼正開花。粧點秋容畫圖裡。小舟一葉弄滄浪。釣得鱸魚酒正香。醉後狂歌驚宿鴈。蘆花兩岸月蒼蒼。

題九鷺圖

蕭鏞

為內府傳制賦此數取九者象乾元也

宣德年間邊景昭彩色翎毛稱獨步近時林良用水

墨落筆往往皆天趣。鴛鴦鳧雁清溪流。寒鴉古木長林幽。等閑得意即揮灑。一掃萬里江南秋。此圖九鷺真奇絕。散立清烟乍明滅。日長坐久看轉親。飄來點點青天雪。翱翔霄漢殊不驚。欲下未下渾有情。潛蹤獨趁水邊食。延頸忽向蘆中鳴。吁嗟林生精藝有如此。座客見之誰不喜。洞庭湘渚在眼前。暝色慘澹涼颼起。方今聖主覃恩波。四海山澤無虞羅。悠悠群鷺各自適。雖有鷹鷂奈爾何。

秋夜怨

張和

露下秋桐碧簾重。花宮悄悄啼孤鳳。明月長懸悵別

心銀屏不隔相思。夢相思。夢落楚臺雲。夢覺啼痕濕。
翠裙我按瑤箏寫恩怨。此聲掩抑君須辨。金風嫋嫋
生池閣。燈影蕭蕭映羅幕。單衾清夢怯新寒。九轉柔
腸恨離索。樓前脉望亦同飛。水上鴛鴦忽異栖。我寄
愁心與明月。願爾長圓莫長缺。

夜宴曲

銅盤絳蠟流晴虹。蜀絲步障圍春風。瑤釵寶髻光玲
瓏。紅牙按腔白苧舞。僊袂翩翩欲輕舉。驚鴻翻雲鷁
鳳語。水晶簾箔搖寒星。金鴨腦麝流芳馨。蘭芽玉茁
春娉婷。鈿箏悠悠歌宛宛。鯨吸流霞恨盃淺。曲闌露

寒斜月轉

隴頭吟

張楷

玉門將軍秦隴客。十載不歸頭半白。夜聞隴水憶秦
關。曉上城頭聽羌笛。笛聲嗚咽送邊愁。隴水滔滔日
夜流。壯士三千豪氣盡。家人翹首望封侯。年年空獻
平胡策。依舊黃沙隴水頭。

甯昌言萬玉清秋圖

劉鉉

甯公在昔稱時賢。頭顱半白歸園田。老懷澹泊愛幽
雅。高居別築臨同川。數畝園林占清勝。四時景物誇
奇妍。賓從日盈北海座。琴尊晚載南湖船。一朝陵谷

那知變廢盡東南舊庭院扶疎脩竹爲誰清零落芙蓉不成片白雲飛去不復來只有堂前舊時燕春深幾樹花亂開無復當牕映人面繁華事往今已休東床老去懷舊遊歌舞重尋館甥處蕭索碧梧風雨秋陶令宅邊松尚在習家池上水空流追思自足興感慨何獨對此方爲愁六十年來駒過隙俛仰之間已陳迹畫圖寂寞久無聞流落人間匪朝夕客從何處遠持來佳致依然不殊昔夢回昨夜到松陵鐘斷長橋月初白

題山水圖

唐豫

早歲恣狂遊揚舲徧吳楚泂江泛海幾千里歷歷山川壯今古匡廬之山高倚天旭日瞳朧浮紫烟香爐五老色相射倒浸彭蠡滄鷗前翠瞻衡岳雲撐空見天柱玄都紫府赤帝宮勢壓三湘隔風雨巫山亭亭十二峯雲間削出青芙蓉朝雲暮雨蕩無跡搜竒直上襄王宮劇飲到山月沉酣卧陽臺天風撼不蘇吹夢遊天台天台名溪三十六夾岸緋桃爛紅玉劉阮當年去不還彷彿僊姝候溪曲夜半天鷄鳴錯莫心竟驚覺來思飄飄放棹還金陵帝城龍虎國錦繡山河壯宮闕歌樓十二飄香風豪客三千醉明月繁華

清勝俱無雙，幾年馳騁辭家邦。歸來高卧讀書屋，跌宕
宕意氣何由降。登堂忽爾見毫素，林壑樓臺香烟霧。
花氣晴連島嶼雲，嵐光晝撲漁樵路。翻思昔遊日，此
景何處有。望中清適者誰子，嗟我幽期竟虛負。明當
與君持此圖，排風萬里凌清都。按圖玩索得真景，行
樂豈憚流光徂。手招赤松子，復拉麻姑僊。煉丹山頂
謝塵世，悠悠嘯傲三千年。

賦得御堤柳

劉翊

東風二月午門曉，紫禁暄妍暖雲繞。玉河堤畔赤欄
橋，高柳依依得春早。柔條裊娜百尺垂，蘸水點破青

玻璃晴烟一抹鎖，深碧曉色正與春相宜。臨風急聽
黃鸝轉，入望濛濛無近遠。鮫綃帳薄疑未收，翡翠簾
輕不堪捲。日高頓覺散清陰，無限韶華連上林。紛紛
萬卉足生意，自是皇家雨露深。

秋夜聞砧有感

八月九月秋氣高，長林落木風蕭蕭。白苧秋深不堪
著，輕寒欲試新剪刀。城頭霜飛露華濕，城下寒蛩啼
更急。當戶誰家搗練聲，風高不礙重城入。千杵萬杵
聲未停，已知力倦心怲怲。天清月冷幾人語，塞北江
南今夜情不怨。搗衣寒苦早，惟願着衣人不老。萬里

歸來未有期。昨日官家賜鞵襖。

山水圖為兵部郎中王恕題

柯潛

玉堂清署春風前。焚香看畫皆神僊。畫中風物得真意。峯巒隱約生雲烟。大山如龍欲飛去。小山盤盤如虎踞。奔流一道破山來。散作濤聲滿江樹。遠村微茫三兩家。古渡無人橫斷槎。近村茅屋陰榆柳。門前沃土饒桑麻。別有高亭向洲渚。斜日滿簾水禽語。滄波浩浩欲吞天。蚤氣昏昏欲成雨。初疑匡廬山下落星灣。又似洞庭湖上之君山。瓊宮貝闕倚霄漢。無乃蓬萊方丈非人間。我生慣識山中樂。隨意雲樓與山閣。故鄉一別今十年。石洞海花幾開落。臨圖忽憶舊遊踪。便欲沿溪上丘壑。此身留滯未應歸。回首江天雲漠漠。

僊溪龍華寺

寶幢山下烟霞古。老樹如龍欲飛舞。花氣薰成五色雲。泉聲散作千林雨。我愛溪山事事幽。錦袍醉踏東風遊。題詩淨掃巖頭石。把酒還登竹外樓。空門自與人間別。夜榻焚香卧清絕。明朝長嘯拂衣歸。閒却溪風與山月。

秋林會友圖

史鑑

青山龍從疑紫霞，飛泉如虹飲渥洼。楓林接葉紅於
花，上有鸞鶴下麝麝。玉樓珠箔僊人家，僊人顏色長
美好。瑤池桃花得春早，門前石楠秋葉香。滿地綠雲
風不掃，有客來遠方。驅車涉羊腸，車聲到門止。揖讓
升高堂，高堂奕奕凌雲漢。瑤爵金盤青玉案，華燈煌
煌照宴嬉。漢女湘妃出帷幔，浮雲不行天欲低。回風
動地飛花亂，悲歡離合樂未央。起視明星夜將半，夜
將半舞且歌。綵激楚，奏陽和。巧笑兩頰生微渦，蛾眉
曼睩光騰波。平生樂事良蹉跎，對此轉覺哀情多。明
朝忽驚雙鬢皤，其奈流光如箭何。

題李都督虎

丘濬

陰風颼颼振林木，百獸覓飛草中伏。舉首爲麾尾作
旌，白晝橫行誰敢觸。汝虎雖猛不如人，慎勿夜逢李
將軍。將軍射石尚沒羽，薄肉淺毛何足數。

過采石弔李白

采石江頭黃土一坏東，有蛾眉亭。西有謫僊樓，謫僊
僊去不復返。惟有江水日夜流，人生一世幾何久。不
如眼前一杯酒，飢來文字不堪食。死後虛名竟何有，
請君看李謫僊。掀揭宇宙聲轟然，長安市上眠不足。
却來長向采石江頭眠，百世光陰一大夢。衾天枕地

無人共寧知浩浩長江流不是葡萄初出甕李謫僊
太白精星月自合相隨行當時落水非失足直駕長
鯨歸紫清至人雖死神不滅終古長庚侍明月

岳王墳

我聞岳王墳在西湖上至今樹枝尚南向草木猶知
表蓋臣君王乃爾崇奸相青衣行酒誰家親十年血
戰為誰人忠勳翻見遭殺慘胡兒未必能忘秦嗚呼
臣飛死臣俊喜臣浚無言世忠靡檜書夜報四太子
臣構再拜從此始

烏棲曲

張寧

烏柏樹上夜烏棲黃茆舍裏曉鷄啼鷄啼未了烏飛
去錦帳佳人不知曙

江南弄

採蓮採菱雙棹行遊女綽約朝雲輕陽春和窻吹鳳
笙吹鳳笙奏龍笛按秦箏鼓趙瑟

南風嘆

李東陽

夕陽亭前車不發南風吹塵暗城闕凌雲醉客噤不
言蛙聲亂起華林園城頭鹿車走轅轅洛陽少年美
如玉官中夜半牝雞啼千門萬戶皆翻覆金墉城城
近遠朝來暮去誰能免九原若見楊家姑應問婦來

何太晚

題程亞卿所藏劉進畫魚

劉生亦是丹青豪，近來作畫無此曹。平明退直呼濁醪，半酣脫却宮錦袍。戲將秃筆作鱗介，已覺四壁生風濤。風濤洶湧向何處，岸闊江空起烟霧。東風一夜吹水渾，翠鬣紅鬢不知數。桃花柳絮時吐吞，輕絮亂行交繽紛。圓光倒射日成鏡，滅影下沒天無痕。群嬉若共衆芳狎，遠逝忽與洪波奔。千形萬態極幻化，倉卒逢之安可論。就中鉅者稱赤鯨，卓犖頗似鯨與鯤。仰窺河漢若咫尺，俯視江海如甕盆。崑崙變風雨作

走天吳，驅海若。流雲掣電同揮霍，噴沫浮漚滿寥廓。鋒鏑參差見齟齬，劔戟崢嶸露頭角。直遣飛騰動鬼神，寧誇震撼傾山嶽。若非溟渤即洞庭，不然豈得通幽靈。汗漫入恍惚，始信丹青有奇骨。劉生劉生良已工，誰其愛者司徒公。華堂錦軸粲盈丈，髣髴坐我龍門中。龍門高高幾許，葉公畫龍龍出走。此物胡為在庭宇，知公自是人中龍。會向人間作霖雨，玉如意金叵羅，激高堂，揚練波。文王在沼，民共樂。君子有酒，吾當歌。我生解詩不解畫，潦倒不覺雙頰酡。吁嗟乎，吾當柰爾丹青何。

送張脩撰養正擢僉都御史北巡

君不見居庸山高石磊磊，西來太行走東海。誰遣重
城疊嶂居其間，萬古神功荷真宰。南則龍樓鳳闕高
巖岼，北則諸州列鎮相鈎環。胡沙舊路通燕門，馬營
獨石俱藩垣。聖朝疆域過前古，俯視朔漠之地皆
中原。坐開明堂撫寰宇，帝遣良臣鎮茲土。滿朝
冠蓋瞻風雲，出塞旌旗擁貔虎。張君能文復能武，曾
中武庫森戈矛。筆下詞鋒走風雨，平生耻學儒生酸。
氣作虹霓向空吐，朝遊玉堂暮烏府。平步青雲若庭
薦，手持嫺皇五色之瓊瑤。仰瞻高天爲天補，豸冠白

簡凌秋霜，都城滿路生輝光。其道臺臣出中秘，不此
御史尚書郎。衣冠此事亦希有，先朝以來重紀綱。
北門鎖鑰付公等，城塹萬仞同金湯。東關野胡尚未
降，孤烟羽檄遙相望。地接雲中入河外，猛士夜起提
干將。富令關城三百六十里，亭障雖有道路無豺狼。
吁嗟乎，居庸其險不可當。雄才逸氣直與山頡頏，諸
侯有道四夷服。聖德浩蕩被八荒，麒麟高閣摩空
蒼巖廊。屹立中昂藏，金書鐵券何輝煌。君乎早歸來，
毋爲滯此天一方。

平陰武愍王輓詩

十有四年秋八月胡笳吹塵暗城闕漢家天子親出
師旌旗如山令不發將軍意氣如非熊腰間寶劍雙
白虹長戈一麾四十萬六合慘澹多悲風胡天冥冥
夜飛雪將軍奮呼山石裂平生鐵石舊肝腸化作烏
鳶口中血君王龍馭今在途臣身已死誰爲扶中
興功業吾豈敢君王獨歸臣不返裕陵松柏自年
年臣歸祔葬橋山邊英魂或助天飈起長爲狼山掃
夕烟

謝謝方石惠石碁子

天台山高東走海結爲方巖石磊磊僊人巨斧劈石

碎斲出象棋三十二猶恐世人不識雲篆書刻作西
京後來字朱填墨寫部類分坐開兩壘成三軍累藏
尚帶烟雲氣變化或驚蛇鳥群僊人白頭朝帝閣持
以贈我同瑤琨空堂無人石枰響病骨先秋覺蕭爽
杜陵畫紙那可著夫餘冷玉差能仿君不見越山老
樵枯木柯看時渾少別時多世間成敗等局戲何必
燕然刻石高嵯峨不如坐共一枰晚僊人不留將柰
何吁嗟乎僊人不留將柰何

釣漁效張志和體

陳獻章

紅蕖風起白鷗飛大網攔江魚正肥微雨過又斜暉

村北村南買醉歸

贈陳冕

南有滄溟水。北有崑崙山。我屋正在溪山間。瞻望不
遠行實難。白雲朝暮常漫漫。桃花欲開梅又殘。問君
此去何時還。

都門別友人

謝鐸

黃金臺上春雲暖。黃金臺下春水滿。水邊楊柳亦無
情。眼看離愁不相管。離筵把酒還再歌。歌聲半逐東
風緩。酒闌相顧兩茫然。芳草依依青不斷。

重脩黃樓歌

澶淵決。彭城沒。城上水頭高幾尺。誰哉誓與城存亡。
百萬生靈命如髮。近聞再決古汴州。宵衣重起宣房
憂。預防豈合脩下流。厭勝且復脩黃樓。黃樓高。洪河
縮。鼉鼉遠避蛟龍伏。誤疑砥柱西極天。坐閱帆檣東
走陸。君不見桓山墓。戲馬臺。英雄富貴安在哉。落日
淒風野草白。瓣香獨上黃樓來。

節婦歌

羅倫

節婦姓某氏。年二十而嫁。三載其夫卒。子一
人甫五歲。亦卒。或勸其改嫁。節婦哭曰。此言
何至吾耳。吾生為某氏婦。死為某氏鬼。

泉流不歸山。雨落不上天。妾心死不回。金石無全堅。
白日經中街。飄忽流西海。妾心日不如。長夜瞳瞳光。
不改。明月懸清輝。三五二八圓。又虧。妾心月不如。一
圓耿耿無虧時。妾心一寸鐵。不與洪爐滅。妾心萬鈞
石。不觸洪濤裂。妾髮可剪。妾頭可截。妾心之白。不可
涅。憶妾二十春。結髮事良人。焉知三載。皇天傾羅幃。
繡幕生素塵。懷中五歲兒。水上浮漚淪。白髮蕭蕭垂。
老親綵衣零。落空悲辛。吾聞陳孝婦。夫死養姑心愈
固。朱憐入奏丹書來。黃金北斗高門戶。又聞杞梁妻。
一哭染山傾。精誠變天地。黃土非無情。君不見章臺

女傾城華。去年嫁東隣。今年歸西家。顏色皎皎如桃
花。如桃花貪結子。紅顏不惜污泥沙。回首天漢上。雙
鳳縹縹凌紫霞。蓬蒿仰面空洛嗟。

干將曲

黃瑜

孫權遣人發南粵王墓得雙劍時權稱臣於
曹操封吳王西陵操墓也

干將昔隨赤帝子。揮霍上下振龍紀。狡童效之乃殉
死。爾權遣吏胡至此。啓玄堂露黃腸。珠襦玉匣光琳
琅。喜獲雙干將。嗟爾權兮荒以蹶。恩西陵仇南粵。干
將飛飛訴天闕。取非其有非英雄。赤眉兇轍將無同。

溫泉曲
讀開元天寶遺事作

溫泉春滿芙蓉國，江南社燕辭巢幕。錦綉酥乳結朝雲，偃月堂深日光薄。翠華西度峩眉巔，長安入望成飛烟。萬里歸來老興慶，聞鈴猶自悲嬋娟。君不聞野鹿宮中啣牡丹，明駝那避朔風寒。日長微露金訶迹，竦髮攢愁眉黛間。于嗟堂堂由媚嫵，黃臺瓜盡那復數。溫泉之水穢萬古，何似青陵墓中土。

貞燕謠

元元貞二年，雙燕巢于燕人柳湯佐之宅。一

夕，家人舉燈照，蠖驚墜，猶食之。雌彷徨悲鳴，不已。朝夕守巢，哺諸雛，成翼而去。明年雌獨來，復巢其處。人視巢生二卵，疑其更偶。徐伺之，則抱獨之殼，爾自是春去秋來，凡六稔。觀者譁然，自為貞燕。

貞燕貞燕影皇皇，尾涎涎。去年雄共棲，今年雄不見。深沉簾幙花隨風，空梁獨宿思故雄。何人並卧鸞，能月羅袂鸞篋花影中。

烈鴛謠

成化六年十月，淮安鹽城大蹤湖漁人見鴛

鴛交飛獲其雄烹之雌戀戀飛鳴竟投沸湯
中而死漁人悲其意為棄羹不食余稱之曰

烈鷺

烈鷺可悲雄已死雌依依寧同鑊中烹不向湖上飛
生來相隨不相舍如今奮翅同所歸何事楚宮嬌不
語露桃脉脉東風裏

節婦詩為張一龍妻何氏賦 祁順

孤鴻不再偶仁獸不亂群破鏡難再圓枯木無回春
妾為名家女長作儒門婦夫死身未亡含哀守貞素
身單兒幼門戶衰兒吾教育家吾持金鈿繡帶委塵

匣斷枕空帷生網絲豪家相凌弗相察粉面悲號仍
截髮罄資求免心始安恐使污塵點冰雪有淚哭夫
夫不聞有恩育兒兒不存妾心皎皎天邊月妾命悠
悠風外雲命不可憑心可久少壯徒教成白首良人
地下會同歸應信平生不相負

劉阮遇僊圖

程敏政

眼中風景非塵寰熟視毋乃天台山迥然僊境與世
絕斷崖無罅愁躋攀瀑水千尋灑寒雪危峯十二浮
烟鬟野渡南通赤城道石橋下鎖清溪灣沉沉一洞
截山口恐是天造蓬萊關深行入洞凡幾里鷄犬聲

宣白雲裏濁水清塵此地分。珠宮貝闕中天起。芝耳
曾聞商調悲。松顏不受秦封耻。澗邊夾路記行踪。亂
插桃花傍流水。西天不教化人城。萬片飛霞散晴綺。
洞中美人冰雪容。星冠玉佩驚遊龍。長者為姊。弱為
妹。臨風宛若雙芙蓉。未識人間有伉儷。但覺世外無
春冬。端居不吟芍藥句。蛾眉肯感蓮花峯。三生有客
緣未了。不期而遇真奇逢。鴈蕩山頭日西沒。采藥迷
途意荒忽。珍禽逸響來繽紛。瑶草幽香散蓬勃。客子
由來阮與劉。一一平生有僊骨。丹室原稱姪女家。藍
橋即是神僊窟。雙壁相携歸洞房。紫衣小隊侍兩旁。

霓旌翠葆總生色。鸞簫鼉鼓紛成行。供炊擬作胡麻
飴。合盃先進崑崙觴。鮫綃文席琥珀枕。百歲寧憂春
夜長。天潢生女漫睽隔。巫山雲雨何荒唐。流年忽忽
如奔電。偶在山中憶鄉縣。請從此別去。還來却對桃
花重開宴。僊凡便覺兩悠悠。未盡離觴淚如霰。一去
如同澗下流。重來事異梁間燕。輕狂柳絮非妾心。珍
重蒲花似郎面。銅燭半銷雲母屏。琅函未啓黃庭經。
鳳笙絕響緱山黑。瑤瑟斷絃湘水清。玄猿長嘯白鶴
舞。蒼天赤日空巖窟。豈知二客一分手。身如夢蝶愁
難醒。世移物換幾塵劫。桑田海水雙浮萍。春來再理

登山屐。藥裹行裝感疇昔。人非物是心茫然。小桃花
紅水空碧。耳畔疑聞杵臼聲。道旁只見豺狼迹。風鬟
露鬢。公存無恐在山頭。化為石。此身未老將何從。紫
府。其謬通籍。人生有合還有離。僊猶未免將奚為。
山。經地志。或偶爾見者。何人傳者。誰長生。久視本絕
欲。誨淫野合能無欺。赤豹凌風說山鬼。白猿拜斗成
妖姬危哉。二客幸不死。竒逢堪喜還堪悲。錦衣郎君
內供奉。一紙風流百金重。鵝溪新絹寫此圖。把玩精
神欲飛動。銀臺勅使偶得之。坐見丹青照梁棟。款子
頻挽木蘭舟。催詩旋潑蒲萄甕。安得人如宋玉才。為

君一賦桃源洞

馬闔虎

邵珪

天門名馬真龍媒。萬里新自流沙來。先皇知爾才磊
落。放入虎圈與虎搏。霜啼蹴踏虎即斃。英風颯爽來
天際。當時觀者應嘆嗟。唐家豈有拳毛騮

渡口驛遇風

吳寬

黃沙障天天半昏。砲頭風急萬馬奔。何人去塞土囊
口。天與河流一色渾。曠野麥苗纔尺許。只見風來不
見雨。兩師風伯不相能。彼蒼高高奈何汝

恭題 宣廟畫所翁畫龍圖

黑雲作雨初收脚。似有飛龍露頭角。恍然拈筆欲寫之。目眩金鱗仍走却。所翁好龍非好真。真龍自爲龍。傳神小臣稽首不敢視。龍去鼎湖經幾春。

題赤壁圖

江流東繞千尺堤。山鵲上結危巢棲。游人夜半放舟過。舉酒試說曹征西。征西當年下江滸。八十萬軍盡貔虎。眼中見慣劉琮徒。吳蜀區區何足數。舳艫相銜千里連。氣吞孫劉欲衝天。豈知策士已旁笑笑。彼遠來非萬全。長江之險人能共。不獨阿瞞兵可弄。東吳會獵尺書馳。權也難將首親送。帳底拔刀軍令行。如

此奸雄安足驚。周瑜早已借前箸。黃蓋何曾論五兵。五兵爭如一炬火。北軍敗走南軍坐。紛紛燥荻與枯柴。乘取便風繞十舸。波濤起立半天紅。強鱗灰飛一夕空。平生親手註孫子。未信水軍能火攻。誰云此行繞足耻。更聞暴瘡歸涓水。玄武池頭計已踈。銅爵高臺墳上起。當今四海爲一家。三國爭雄真可嗟。尚想綸巾巡壘堞。猶將折戟洗泥沙。武昌夏口東西路。畫史分明入毫素。空餘赤壁付游人。贏得坡僊作詞賦。

周烈婦行并序

烈婦高州人。隨其夫赴瓊山。訓導舟次江西。

遇寇其夫潛匿他處烈婦以爲死于水矣遂
抱其幼子亦赴水死人多作詩哀之其鄉太
學生吳耕爲余道其事賦此

西江水深浪如屋。有婦船頭仰天哭。哭聲遶江江水
平。玉顏一擲鴻毛輕。想當汪汪雙淚眼。只見良人不
見水。抱兒語兒勿啼。妾身不是河伯妻。倉皇魚腹期
同葬。不道良人固無恙。良人無恙去作官。妾身雖死
心則安。願身莫化爲精衛。願夫善射如后羿。願身化
作金僕姑。一時射殺萑苻徒。

廣武吟

楊一清

廣武城西邊。塹邊黃沙白。草連雲天。風塵北起。炮火
發。羶裘百十聲。喧闐我士銜枚寂不語。輕騎馳之彼
驚沮。崩奔不敢重回頭。真似烏負逐群鼠。山高日晏
追難窮。小醜何足當吾鋒。下令收兵入城堡。且秣吾
馬。繫吾弓。人言邊地此常事。不道我公天上至。吾儕
幸脫虎口中。前日遺骸猶野棄。我憐邊戍少生存。餓
糧折半歸朱門。戍婦頭蓬面深墨。枵腸猶自養兒孫。
兒孫長大無衣着。凍死多於紇干雀。中原無處無田
桑。無翼飛來生處樂。

題呂紀雪圖

玄冥令嚴氣栗烈。釀作江城三日雪。朔風捲地天冥冥。四顧青山黯無色。是時同雲凍不收。咫尺川梁成阻脩。灞陵豪客方閉戶。剡曲幽人難放舟。山禽在原半在隰。欲飛不飛毛羽濕。渺渺平沙落鴈多。蕭蕭古木寒鴉集。天寒日暮恒苦飢。欲覓顆粒將安之。長安貧者亦無數。遑用恤此禽蟲爲。四明畫史清狂客。決皆大呼聲裂帛。直教青女回陽春。已見梅花報消息。

棄婦怨

王鏊

妾命薄妾命薄。妾命自薄君不惡。王顏自昔誤主恩。得奉餘光侍帷幄。兔絲橫倒附青松。豈謂青松久難托。前時糟與糠。妾與君同怡。今日梁與肉。知君懽對誰。君如大江水。妾如水底石。江水日夜流。不回石抵狂瀾終。不易哭城城亦圯。灑竹竹亦斑。土木猶可感。君心終不還。終不還。妾命薄。妾命自薄。君不惡。

顧都憲竹間書屋

淮之水去悠悠。君家正住淮水頭。宅邊不種凡草木。脩竹森森如立玉。年深春雨長兒孫。遂使長淮比淇澳。竹間有屋小如舟。積書之多如鄴侯。手開三徑誰許到。只有二仲時從游。我生好竹仍好書。何年歸去山中居。俯看書仰看竹。家無一錢心亦足。

胡人歸朝歌

兒胡兒女胡女。女嫁胡兒娶胡婦。唯有老身從漢來。椎結氈裘作胡語。當時從駕土木間。匈奴驅我不得還。朝看鷓鴣兒。嶺暮宿木葉山。昔聞青冢今始覩。幾過蘇卿持節處。胡風獵獵胡霜飛。聽罷胡笳淚如注。胡中洵樂漢自親。呼韓猶作南朝賓。款關不用通事語。三十年前我漢人。奉天殿前拜天子。封爵歸來認鄰里。南街北巷爭聚觀。家人見我還驚起。男襲冠裳女繡襦。今日漢人昨日胡。回思李陵并衛律。漠北高墳空突兀。

送王懋綸僉事之蜀

君不見唐永貞。宋熙寧。國權盜弄威恣行。扶奸黨穢擯異已。蠻荒瘴徼多公卿。又不見唐元和。宋元祐。天開公道明如晝。海濱淪落皆來歸。群小蒼皇侶蚍蚋。人生行止豈偶然。宵人紛紛空作奸。當時只詫鬼謀秘。今日那知天道還。送君此語君應笑。劍閣蛾眉好登眺。

遊廬山用謫僊韻

林俊

白老真天人。胷中壑與丘。醉揮鐵如意。擊碎白玉樓。祝融黃鶴不入眼。挿羽飛上匡廬遊。九真五老置兩

傍紫霄華蓋遙開張。挿天雙劍騰晶光。瀑布直瀉千
丈長。晴虹架海秋爲梁。丹崖錦嶂紛相望。蓮花閃爍
石耳蒼。朝嵐暮靄送日月。寺落松子如松長。我欲濯
髮天地間。御以赤虬時往還。鐵船乘月載美酒。一日
看盡江南山。突兀四僊亭。香爐紫烟發。百年幾日胡
不遊。舜蹠彭殤共澌沒。火色爲肩無宦情。綠荷小製
衣初成。薜荔墻歌茅屋古。一封情懇陳上京。歸去木
蘭弄烟水。長歌一曲滄浪清。

侯山喬木歌

武陵桃源經幾花。滄浪看到成桑麻。細草新蒲各生

態。王謝燕入尋常家。河畔青青時柳雨。甲烟條今
在否。東門黃犬不可期。金印從誇大如斗。太丘遺德
三千年。口碑尚在路人傳。五侯盤踞况得地。祇今喬
木高參天。小樹森森已十圍。大樹亭亭各千尺。發育
深承雨露恩。扶持正藉神明力。秋風颼颼秋月涼。紫
鱗錯落蒼髯張。琥珀流肪徹肌理。播州孔雀無文章。
結頂松雲寒欲凍。鶴舞空山勢飛動。揭來匠石會當
逢。大廈還須要梁棟。

花節婦詞

花節婦者王氏失所天殞畢即投井死

張詡

王氏婦傾城姝。雄旣死。雌無以爲生。天旣失我。無以爲家。千尺之井。清冷冷。青天白日。精衛鳴。岳家小女。負銀瓶。與爾貞。龜同芳馨。人去天來。今日定。千秋名。繫朱鳥影。嗚呼。犬羊羞踐行春宮。海波不前。臘脂井。

畢郢原

王雲鳳

我昔過北邙。春雲暗夕陽。今來渡渭水。飛飛黃葉秋。風裏洛陽道。咸陽道。客頭未白。心欲老。秦家墓。漢家墓。望裏纍纍。總烟霧。文王廟。古不鎖門。驅車愁上畢郢原。

夏日閒居

蔣冕

自笑樗材成底用。半世紅塵一酣夢。歸來舊屋臨湘。臯鑿翠求花手親種。魚吹細浪綺霞明。荷受微風珠露動。芒鞋竹杖自徜徉。三徑何須來二仲。新詩詠罷有誰賡。偶爾綠陰聞鳥哢。此生此樂感堯仁。康衢更擬光天頌。

遠別離

石珪

秦雲隴樹高復低。君去輪臺西。更西亦知此別經。歲月臨岐素手牽衣啼。山長水深覓無處。妾心如荼苦。復苦玉容憔悴。金縷裂猶憶徘徊。出門語春水易消。雲易斷。妾意如何不零亂。人生難得駐朱顏。空帷夜

長淚潛潛

長相思

長相思長且深。暮雲湘水愁陰陰。海棠庭院燕雙語。惱亂無人知妾心。妾登池上樓。淚滴池中水。水聲活活向東流。妾淚將心千萬里。

望蒼巖行

蒼巖之山在何許。大行東來如馬駐。上有千年不老之長松。下有清泉及茂樹。巔猿棲其中。千歲亦不去。玄鳥吐雲白鹿走。異相不獨隋帝女。山翁飲水綠壤間。我欲從之問大還。路遠莫致行苦艱。但見淑氣擁

丹閣。奇峯歷錄青如環。百里之外且如此。何況暮宿玄圃朝消盤。人生不滿百。日月凋朱顏。安能不行樂。苦爲利名墜。到頭鍾鼎亦徒爾。眼前行路猶間關。君胡不歸來。山水有餘懽。吾爲汝致安期棗。更爲汝栽武陵花。黃童高歌素女舞。同醉吹笙王子家。

擬古巫山高

巫山高十二重。攢峯繡出青芙蓉。朝雲不還暮雨歇。金輿冷落雙盤龍。秋橫素山澹相續。萬壑鳴泉響寒玉。風流宋玉况多情。揮絃更奏相思曲。曲聲嘹亮繞天愁。雨態雲情疑不流。寒烟裙紫草鈿碧。楚王猶在

離宮泣

擬古傷歌行

葉落花殘君不見春來秋去如飛電富貴千年劫火
灰丘陵幾度桑田變五侯高樓臨大道寶釵金鈿埋
秋草張放寧知金穴平楊家一旦冰山倒君看荒冢
饒荆棘當年俱有回天力勸君對酒但高歌莫負庭
前芳草色

有所思

雙星熒熒隔秋水秋入城頭漏聲裏窓間梧桐風瑟瑟
青鳥南飛月華白朱絃一撥意已傳夢繞博山雙

紫烟藕絲易脫雲易散十二碧峯秋雨前

契苾兒曲弁序

垂拱朝民間歌契苾兒詞曲多媒豔亦樂之
妖也契苾兒為張易之小字云

君歌契苾兒妾按龜茲舞酒盡燈欲滅堂前鸚鵡語
光順門宣供奉郎蓮塘水暖雙鴛鴦象牀犀簾伏熊
枕春風夜簸花枝狂誰家少年眼如虎犁斷并州杏
花雨

送伍朝信守寧波

官柳風柔拂酒盞渭北江東意何恨五馬誰驅高蓋

車畫省秋雲猶滿眼。纍纍肘印腰帶黃。太守年纔三十強。閭門不敢鳴騶過。里中長者多父行。高堂日遲采衣舞。一觴一咏聲琅琅。紫薇鉅公顏色揚。諸孫繞膝兒繞牀。牀頭經史映簪笏。膝下歡娛殊未央。親恩君寵兩磅礴。膏雨還隨使車落。深村無吠厖。公府多神雀。愛月還登鎮海樓。尋幽或到燒丹壑。鏡川幾曲春澄澄。人言使君如水清。棠陰無事坐舒嘯。惟聽江聲雜鳥聲。

明音類選卷之六



